





瑶華集卷三

柳含煙 一首

杏園春 一首

好事近 十首

謁金門 六首

更漏子 三首

憶秦娥 九首

一絡索 三首

相思引 三首

憶少年 五首

誤佳期 一首

清平樂 十八首

隴頭月 一首

阮郎歸 五首

看峰碧 一首

玉連環 三首

画堂春 二首

朝中措 二首

慶春時 一首





三字令 二首

眼兒嬌 三首

人月圓 二首

秋蕊香 一首

山花子 二十二首

番女八拍 一首

武陵春 二首

桃源憶故人 六首

河瀆神 七首

柳梢青 十六首

賀聖朝 一首

陽臺夢 一首

一絡索 第二體  
一首

漁歌子 三首

鳳來朝 一首

少年遊 第一體  
七首

西江月 十六首

偷聲木蘭花 三首

燕歸梁 一首

荷葉盃 一首

四和香 一首

柳含煙

味柳

吳綺

江南路柳絲垂。多少齊梁舊事。玉蛾金繭。只霏微。挂斜暉。眼眼睂睂都是恨。人去靈和莫問。誰堪眠起對紅閨。晚風吹。

杏園春

本意

金是瀛

春寒料峭晴餘。嬌紅似密還疎。開時絕勝曲江隅。在皇都。佳人插髻窺朝鏡。韶容掩映何如。清明纔過燕來。



初賣餉無。

好事近

偶感

曹爾堪

斯世少英雄。應笑成名豎子。衰草夕陽。彌望弔金元遺壘。霜橋孤月。照空囊。枯樹亂鴉起。旅館蕪菁低照。讀數行殘史。

宿秦餘絕頂

黃承聖

攜手入層雲。半偈留題蒼壁。拄杖下臨無地。有寒巖雪積。山僧絕粒一團瓢。倦羽斲休息。夜半東山豁處見。滄波煮日。

送沈方鄴游羅浮

陸進

祖帳爲君開。點點柳花飛雪。欲折小枝相贈。挂河梁新月。鬪袍公子去羅浮。歌管暮嗚咽。桂酒莫教頻醉恐。珊瑚敲折。

秦淮燈船

李良年

相對捲珠簾。中有回橈來路。花燼玉蟲零亂。串小橋紅縷。日橫簫絡鼓。夜紛紛。聲咽晚潮去。五十五船舊事。聽白頭人語。

巡海過飛雲渡

陸舜

橫海下戈船。信宿珠崖消息。試向玉環山外。撥一絲風



色。桃花春汛。島門寒寂寞。老龍國。閒倚射潮犀。弩聽  
柁樓吹笛。

沂水道中

龔翔麟

極目總悲秋。衰草似黏天末。多少無情煙樹。送終年行  
客。亂山高下。沒斜陽。夜景更清絕。幾點寒鴉。風裏趁  
一梳涼月。

漁父

李符

萬葉墮寒村。目極水平天。遠。欵坐船頭相對。欠青山在  
眼。瓶山草沒。甌山低。行到半山半。恰被梅花畱住。一  
篷兒香片。

閨情

萬錦雯

忍淚送君時。江上青山斜。矗。別酒一杯還暖。恨風帆催  
促。無情画舸。疾於飛。一水漸拖綠。欲上小樓凝望。又  
垂楊遮目。

聞笛

沙張白

喚起百千愁。樓外數聲長笛。一闕關山古調。落三更殘  
月。參橫猶自不成眠。餘響聽鳴咽。片片梅花飛絮。點  
鬢毛成雪。

入大滌山

羽士 余一淳

一片石玲瓏。身入洞天幾曲。點起明明蘆火。見如鴉。蝙蝠



蝠。琴牀丹竈跡依然。雲冷不堪宿。待覓素書歸去倩  
嵇康解讀。

謁金門

紅葉

李雯

青楓浦。染出空江天暮。隔岸胭脂新雨。渡小樓腸斷處。  
疊疊亂紅堆路。又被西風吹去。翠袖拾來看幾度。欲  
題無一語。

五月雨

陳子龍

鶯啼處。搖蕩一天涼雨。極目平蕪人盡去。斷虹明碧樹。  
費盡爐煙無數。只有輕寒難度。忽見西樓花影露。弄

晴催薄暮。

村居

王士禛

昏復曉。不覺又春分了。蘋末雨腥溪霧掃。葉舟黏瀨小。  
濁酒一杯傾倒。得趣何論多少。林靜喜無生客到。快  
眠常過卯。

聽百舌鳥

吳灏

聲聲喚。道是綠窗風暖。底事曉晴簾不捲。可知香夢短。  
生巧如簧低緩。嗔我愁眠孤館。春去子規啼又斷。惜  
春春不轉。

寄兄漢槎

閨秀

吳文柔



情惻惻。誰遣雁行南北。慘淡雲迷關塞黑。那知春草色。  
細雨花迷綉陌。又是去年寒食。啼斷子規無氣力。欲  
歸歸未得。

秋閨

閨秀  
葉小鸞

情脉脉。簾捲西風爭入。漫倚危樓窺遠色。晚山留落日。  
芳樹重重凝碧。影浸澄波欲溼。人向暮煙深處憶。繡  
裙愁獨立。

更漏子

無題

蔣平階

金錯刀。銀蠟炬。春夢半迷歸路。彈別鶴。怨南鴻。琵琶憶  
漢宮。白團扇。遮秋面。憔悴不堪重見。青塚月。雁門霜。  
相思欲斷腸。

又

落星灘。啼猿樹。今夜思君何處。江月暗。榜煙濃。春山隔  
幾重。千里夢。孤舟送。花落枕函誰共。移翠屐。約金環。  
漏聲催曉寒。

又

菊花潭。楊柳岸。鄉思暗隨征雁。欹玉枕。解羅襦。更闌聞  
鷓鴣。三五月。白如雪。猶照長安宮闕。花半落。燕飛高。  
東風恨未消。



憶秦娥

楊花

陳子龍

春漠漠。香雲吹斷紅文幕。紅文幕。一簾殘夢任他飄泊。  
輕狂無奈東風惡。蜂黃蝶粉同零落。同零落。滿池萍  
水夕陽樓閣。

坐黃鶴樓

曹溶

江千尺。晚來風景秋蕭瑟。秋蕭瑟。斜陽檻外數行金戟。  
杯乾重把闌干拍。楚宮垂柳憐孤客。憐孤客。飛仙安  
在喚他吹笛。

江南懷古

方以智

花如雪。東風夜掃蘇堤月。蘇堤月。香銷南國幾回圓缺。  
錢塘江上潮聲歇。江邊楊柳誰攀折。誰攀折。西陵渡  
口古今離別。

楊花

宋徵輿

黃金陌。茫茫十里春雲白。春雲白。迷離滿眼江南江北。  
來時無奈珠簾隔。去時着盡東風力。東風力。留他如  
夢送他如客。

蜀宮故址

魏學渠

東風咽。摩訶殿閣紅明滅。紅明滅。參差苑柳杜鵑啼血。  
棠梨開徧愁時節。杏梁舊燕逢人說。逢人說。滿身花



雨漢家宮闕。

戰場

馮雲驤

斜陽裏。浮雲慘淡。天如水。天如水。戰場懷古。荒墩殘壘。西風剪剪。紅旗苑。秋林落葉。驚鴉起。驚鴉起。不堪極目。平沙千里。

杜鵑

計南陽

春魂血。柳條吹得。東風咽。東風咽。河陽置酒。秦淮送別。黃昏細雨。清明節。六朝金粉。三江月。三江月。不如歸去。舊家宮闕。

吹笙

朱彝尊

涼煙翠。銀河激灩。光垂地。光垂地。小樓一曲。月華如水。排成鳳翅。聲初遞。聽殘鵝管。君須記。君須記。風簾卷處。那人雙髻。

秋景

閨秀 葉小鸞

湘簾揭。梧桐落向銀牀咽。銀牀咽。半庭斜日。數堆黃葉。綉屏一縷。消香怯。花間又見飛蝴蝶。飛蝴蝶。惟他輕薄。搗衣時節。

一絡索

聽三絃

曹溶

撚出玲瓏珠串。邊雲初斷。分明不是紫檀槽。是裊裊垂



楊線。老去閑愁一片。曲中曾見。煩將密約寄佳人。早  
招得春風怨。

重九後雨

史惟圓

日晚津亭鳴鼓。雁驚南浦。霜螯在手。酒盈尊。休更問沙  
場苦。青史幾番今古。繪成愁譜。兩條樺燭。四條絃。怎  
消得廉纖雨。

客夜

釋宏倫

蟲語莎根聲碎。早涼生袂。梅花玉笛隔西鄰。門未掩燈  
兒背。不信愁深如海。暗彈清淚。疎鐘打得月西斜。這  
一夜何曾睡。

相思引

元夕後二日夜雨卽事

陳維崧

綺陌將收五夜燈。後堂鎖到第三層。回簷殘燭細雨恐  
難勝。歌板敲愁飛火鳳。枕函貯夢結紅冰。覺來還記  
踏月六街曾。

有憶

汪森

憶昨沙黃隴。麥昏少年游冶。逐雕輪。遠山愁黛。觸處黯  
銷魂。記得東風曾繫馬。小橋流水近朱門。晚來紅溼  
微雨杏花村。

金陵感舊

吳棠禎



珠殿金宮帝子家。春風腸斷石城鴉。蔣山明月曾照後  
庭花。人去臨春歌舞歇。紅燈飛入內人斜。舊游何處  
帆影一江沙。

憶少年

感舊

錢芳標

小屏殘燭小窗殘雨。小樓殘夢。銖衣已煙散。只蘅蕪香  
重。錦瑟華年愁裏送。便淒涼也無人共。傷心白團扇  
畫秦娥簫鳳。

春閨

董元愷

春塵如雨春風如醉。春光如夢。春花獨對也。只春波微  
動。剪破春陰春影弄。更春情落紅催送。萋萋春草碧  
恰補春愁空。

春情

王 焯

春山淡沲春陰靉。巖巖春風婀娜。楊花亂吹入。正倚牀閒  
坐。檢點琴書無一可。撥金爐尙畱餘火。鸚哥向人說  
恠將他籠鎖。

秋日登保安寺佛閣

梁溪

陳維崧

半村紅蓼半村烏桕。半村黃葉。寺樓偏作勢。欲斜穿山  
脅。檻外霜楓眠正貼。被西風陡添鱗鬣。閣中僧夜語  
有猿吟相接。



無題

朱彝尊

飛花時節垂楊巷。陌東風庭院。重簾尙如昔。但窺簾人遠。葉底歌鶯梁上燕。一聲聲伴人幽怨。相思了無益。悔當初相見。

誤佳期

訪某校書不值

路隔桃源難認。知道画樓遠近。東風吹散一叢花。蜂蝶都無分。柳學細腰輕。山似長眉暈。粉雲香雨夢來時。細細將伊問。

清平樂

春繡

陳子龍

繡簾花散。難與東風算。拈起金針絲又亂。尙剩檀心一半。幾回黛蹙雙蛾。斜添紅縷微波。閒看燕泥欲墮。柳綿吹滿輕羅。

新柳

陳世祥

十三嬌女。約畧腰如許。盡日臨風搖弱縷。無力向人前舞。小橋正枕橫塘。高樓都在斜陽。寄語東風且慢莫。教輕換鵝黃。

輦上故人有爲予勸駕者

宋 琬

鼠肝蟲臂。總是君王賜。一曲狂歌千日醉。管領鷗班鷺。



隊。故人天上吹噓。勸予重整簪裾。只恐中山毛穎於  
今老不中書。

太湖

吳綺

亂山青接。黏住吳和越。萬頃琉璃秋映徹。做作蘋風柳  
月。三煙波誰是吾徒。西風吹出鱸魚。斜日盪將艇子。醉  
教桃葉相扶。

清歌

毛先舒

清歌妙舞。一坐都無語。別有春風能作主。夜夜當頭月  
午。蘭堂春酒如淮。珍珠雜遝弓鞋。著地琅然一響。阿  
誰遺落金釵。

羅帶

沈謙

香羅曾寄。小鳳盤雲膩。要識春來腰更細。剩得許多垂  
地。玉鈎移孔難尋。有時撚着沉吟。踪跡可知無定。兩  
頭都結同心。

春閨

雪消冰溢。岸柳金芽出。漠漠暗塵縈寶瑟。坐轉一窗紅  
日。博山香裊煙絲。閒愁閒悶誰知。欲解羅衣去睡。黃  
鶯又上花枝。

春游贈伎

兩峰眉蹙。更着春煙綠。淡日烘雲新雨足。紅得桃花如



肉。醉看蟬鬢欹斜。聽歌再立堤沙。懶上銀鞍叱撥。願  
爲金屑琵琶。

秋閨

吳棠禎

秋來風雨。生在梧桐樹。明日天晴纔可去。今夜郎君少  
住。南湖蘭棹初還。深閨花冷人閑。若看城頭山色。何  
如鏡裏睂彎。

晚湖有感

沈豐垣

暮雲千葉點點寒鴉接。猶是鳳凰山下月。不照宋家陵  
闕。管絃爛醉吳娃。行人爲道繁華。誰鬪閑堂蟋蟀。獨  
尋孤嶼梅花。

夜感

俞士彪

鼠窺窗側。守着燈兒黑。雨橫風狂在眼不得。但覺雙眸枯  
澁。春深猶滯天涯。題書又報歸期。坐久夜鴻過盡。錦  
箋搓作團兒。

秋思

成德

涼雲萬葉。斷送清秋節。寂寂繡屏香篆滅。暗裏朱顏銷  
歇。誰憐照影吹笙。天涯芳草關情。懊惱隔簾幽夢。半  
牀花月縱橫。

索琴

任繩隗

非桑非濮。絃斷君須續。漫譜當年橫吹曲。惱聽商陵黃



鷓鴣。舊名子夜烏啼。新翻雄雉朝飛。待倩蔡家焦尾。織  
纖彈上君衣。

思客

吳儀一

画屏煙霧。彷彿咸陽路。渭水無聲流月去。照見漢家陵  
樹。蕭條孤客情懷。酒酣獨上荒臺。五月楊花如雪滿  
城。羌笛吹來。

送沈融谷再游南雄

朱彝尊

京華懶住。又向雄州去。匹馬遙尋桃葉渡。穩送輕帆柔  
櫓。朔雲南雪。冬春雁書欲寄誰因。共惜行人路遠。不  
知身是行人。

齊河客舍

阿儂憊矣。際曉還慵起。今日郵籤翻百二。猶是未晴天  
氣。茅檐土銼人家。酸風苦雨天涯。回憶故園梅蕊。不  
知多少飛花。

秋曉和海間香詞

潘宗洛

羅幃涼到。窗外聞雞早。殘月半規窺枕照。有夢也應草  
草。分明帳繡芙蓉。獨眠人起誰同。試約生香衣扣。又  
添一夜金風。

憶外

閨秀  
張 縈

重門深處。聽盡黃梅雨。千徧懷人慵不語。魂斷臨岐別



路。一天離恨分開。同攜一半歸來。日暮孤舟江上。夜  
深燈火樓臺。

隴頭月

傷逝

吳綺

西風過處。憔悴了白楊無數。斷草黏雲。殘花泣月。故人  
黃土。記得雷塘東去。曾見南朝官樹。萍入歌船。螢飛  
舞榭。愴然今古。

阮郎歸

秋思

曹溶

絲絲細雨作輕寒。吹愁上遠山。柳枝空似白家蠻。無人  
倚曲闌。秋半也。鎖窗閑。花前歸去難。晝長羅幌睡闌  
珊。流光兩地看。

長安早春詞

蔣景祁

千門朝闕近蒼穹。風和雪正融。上林枝煖瑞煙籠。寒花  
初破紅。歌宛轉。影朦朧。吹來春殿中。霓裳曲罷去。恩  
恩。人間何處逢。

又

玉河初泮影溶溶。條風先九重。車如流水馬如龍。烘他  
春意濃。堤上柳未舒茸。金絲暗吐鋒。有人偷與画眉  
峰。嬌愁曉起慵。



又

飛泉百尺舞銀瀧。無人駕彩鸞。琵琶絃上指聲麗。盈盈  
燕語雙。彈不盡是新腔。春愁難與降。漫將流恨比春  
江。凝情遮繡窗。

又

天街微雨送春暉。芳塵溼不飛。閒園香霧小紅肥。月和  
煙露晞。縈別館。上斜扉。輕風颺妓衣。七絃聲亂十三  
徽。馬嘶人未歸。

省峰碧

春日

梁清標

溪院鞦韆罷。細雨梨花夜。曉起閒庭一片飛。忍又見山  
桃謝。蛺蝶枝頭挂。苦憶前春話。門外東風鏡裏顏。背  
人無語斜陽下。

玉連環

夏景

吳綺

梧桐密處清陰重。碧紗風弄。落花簾外舞輕紅。又補却  
青苔空。雪藕初調仙洞。有誰堪共。日長縱得綉工夫  
不彀了。愁和夢。

無題

曹封祖

春連繡閣衣香潤。半腔幽恨。玉環搖動寫愁心。隔竹時



聞清韻。簾外風傳花信。情深難盡。中宵徙倚伴銀燈。兩兩墜釵橫髻。

晚眺

釋原詰

高城薄暮臨風望。紙鸞初放。一規殘照萬山紅。野渡口。寒潮上。沙際輕鷗三兩。去來無恙。最關情處板橋西。楊柳岸青帘颺。

畫堂春

雨中杏花

陳子龍

輕陰池館水平橋。一番弄雨花梢。微寒着處不勝嬌。此際魂消。憶昔青門堤外。粉香零亂朝朝。玉顏寂寞淡紅飄。無計春宵。

春陰

宋徵輿

綠窗虛靜水沉飄。流鸚說盡花朝。樓頭柳色暗河橋。人在東郊。雲鬢只隨鴛枕。胭脂都上鮫綃。風吹春思入。看梢滿鏡紅潮。

朝中措

龍潭驛懷舊

曹爾堪

驚濤吹歛老龍愁。暮雨且停驂。紅樹斜分建業。青山多在江南。遠檣排漢。亂帆擊汰。百尺空潭。一曲涓城歌罷。酒樓誰是何戡。



春暮

成德

蜀絃秦柱不開情。盡日掩雲屏。只惜輕翎退粉，更嫌飛絮爲萍。東風多事，餘寒吹散，烘煖微醒。看盡一簾紅雨，爲誰親繫花鈴。

慶春時

日長

董以寧

半窗閣綉，么絃罷曲，慢火餘香。玉人此際，粧成無事，才覺日初長。銀驄何處，等閒嘶過紅墻。鶯簧吹轉，柳綿飛起，儘日好思量。

三字令

寫懷

李燾

愁倚戶，夕陽斜。憶天涯。春去也在誰家。燕營巢，蜂釀蜜，總堪嗟。人不到，見歸鴉。掩窗紗。開復落刺梅花。酒漂零，香冷淡，負年華。

惜春

閨秀  
張學儀

鶯語喚曉粧殘，捲簾看。山芍藥一枝丹。惜春繁。能幾日，又闌珊。添遠恨，翠睂攢。淚珠彈。斜暗想，倚回欄。不如他雙燕子，兩相安。

眼兒嬌

春情

宋慶長



垂柳垂楊雨初晴。天氣近清明。飴簫吹徹，鞦韆斜挂，畫裏江城。玉人粧罷無心緒，嬌鳥隔窗鳴。殷勤看取花穠香細，晝永煙輕。

雨中新柳

吳綺

搓就鵝兒綠，還遲都未使鶯知。東風無賴，教他朝雨一樣絲絲。和煙搭在闌干上，約畧早春時。斷人腸處，纔成睂眼，旋軟腰支。

歸意

釋宏倫

似水官衙夜無聊，燭灺水沈消。故山秋老，天涯人去，明月今宵。來朝準趁吳娘棹，燈火過虹橋。松陵江口，估船相竝，篷背吹簫。

人月圓

弔古

陳孝逸

吳宮蒲柳青如故，燕子話空梁。可惜江南無情花月，誰識滄桑。山河入眼，歌騷譜怨，銜恨君王。楊柳金輿，梨花玉輦，鈴語郎當。

寫懷

魯釗

畦蘭不礙栽花處，况是只栽花。老年貪靜，編籬插竹，就圃爲家。日高方起，書慵辟蠹，字學塗鴉。從來無淚，把青衫溼爛，醉生涯。



秋蕊香

爲曹子清題画

蔣景祁

碎把鵝黃剪與。風動一枝嬌嬈。天香縹緲衣寒度。夢到廣庭寒處。近來間却吳剛斧。免華吐。空巖子落知何許。一夜前山如雨。

山花子

春愁

陳子龍

楊柳迷離曉霧中。杏花零落五更鐘。寂寂景陽宮外月。照殘紅。蝶化綵衣金縷盡。蟲銜画粉玉樓空。惟有多情雙燕子。舞東風。

閨情

吳偉業

阿母頻催上玉鉤。侍兒先起護香篝。曉氣撲簾花尙睡。怯梳頭。靨暈有情睂岫遠。額黃無盡眼波流。細骨輕軀春一把。許多愁。

閨詞

宋徵璧

斂蛾睂幾許長。湘簾初放柳花香。閒搵紅綿彈粉淚。說淒涼。玉勒玉人雙邂逅。金杯金釧百思量。除是嬌羞低障面。弄珠璫。

春愁

宋徵輿

芳草花開蛺蝶飛。画堂春思上蛾睂。珠淚未乾長帶笑。



少人知。鸞鏡照空生翠影。湘裙摺損吐紅絲。長日東風吹不去。夢來時。

曉粧

趙進美

銀燭初消寶鴨濃。起來珠裊褪酥胸。細數枕痕殘夢遠。剩輕紅。雙啓螭奩交翠影。半欹蟬髻卸金蟲。戶掩蝦鬚寒未減。杏花風。

初夏

李雯

乳燕初飛水簾涼。菖蒲葉滿小池塘。七尺蝦鬚簾未捲。杏衫黃。竹粉新黏搖翡翠。荷香欲煖睡鴛鴦。正是日長無氣力。倚銀牀。

寄程崑崙京口

王士禛

黃鶴山前黃鶴鳴。杜鵑樓外杜鵑聲。記得戴顓招隱地。共經行。北固雲煙春望遠。南徐風雨暮潮生。一片澄江如練影。接蕪城。

春愁

鄒祗謨

淡白春煙花信齊。黃蜂到處罨花絲。自是淒涼渾不管。總難支。小雨三更歸夢溼。輕煙十里去愁迷。幸得子規還解事。未曾啼。

夏夜

周末年

薄醉依他殘睡醒。重攜枕簟向閒庭。何處唱歌聲漸遠。



有人聽。趁着螢光看絡緯。捲開蛛網放蜻蜓。不信晝  
長元肯夜。候雙星。

春游

賀裳

白玉搔頭刻鳳皇。初笄嫌重貯紅箱。今歲綠雲朝滿鏡  
恰相當。欲上秋千防髻滑。將行花底恐梢長。遙覓雙  
鬢呼不應。付檀郎。

秋日過錢塘江

李振裕

一葉飄然自在行。層巒回首勢縱橫。恰值晚波勻似掌  
好風輕。海氣遠浮天竺月。宵潮直抵富陽城。歷歷賓  
鴻嘹唳處。岸莎平。

送翁孟白之秦中

蔣鑰

執手河橋送別情。連牀蕭寺訂詩盟。屈指栢梁臺上客  
好經行。秋至漸丹楓葉滿。晴空初白露華生。後日採  
風先寄我。是秦聲。

秦郵道中

徐鉞

千頃孟湖水接天。遠山一碧柳如煙。無數布帆如白鷺  
下晴川。淮海風流人不見。空餘綠鬢過流年。且買高  
郵紅玉酒。好停船。

自慰

沈叔培

碧柳千條露未乾。金衣百轉晚風寒。還道後園花未落



強心寬。孤枕祇餘魂縷縷。小衫誰見淚斑斑。舊日錦書能惹恨。莫重看。

春閨

計南陽

風捲流蘇午夢閒。一江春水浸青山。爲問王孫歸也未。損朱顏。杜宇風高啼不穩。梨花雨散月初殘。無那酒醒香寂寞。不成眠。

七夕贈女温萸

梁佩蘭

小女聰明獨好奇。要同天女鬪天絲。捉得蜘蛛金盒裏。費思惟。丫角髻行參佛禮。生羅衣寫望仙詞。索我烏絲闌細字。贈温萸。

湘妃廟

水闊瀟湘見二妃。江空露下少人知。一望渚煙迷到處。暗靈旗。太息雅琴成絕調。竝彈瑤瑟寄相思。奈有九峰遙對起。至今疑。

雜神

一片精靈立水宮。似曾相見不曾通。惆悵桂旗和玉佩。忽如逢。何處倏來儀彷彿。若爲將去影朦朧。莫恠停車曹植在。賦驚鴻。

春日

于天騏

閒看雙雙燕子飛。舊巢重整壘香泥。似恨春光留不住。



語聲低。驚醒朦朧窗下夢。行來尋過画欄西。一陣晚香都墜也。滿前溪。

味楊妃山茶

陳枋

一樹楊家連理枝。酒痕猶暈淡燕支。那得芙蓉能似臉。上皇思。雪褪羽衣迴舞處。露飄珠琲洗粧時。尙與樓東梅妬寵。肯開遲。

賦南唐事和李後主韻

丁滢

草綠江南蝶粉殘。玉簫聲斷彩雲間。寂寞梨花金殿鎖。共誰看。故國啼鶉催夢醒。他鄉乳燕說春寒。唯有汴河橋下水。到長干。

暮春

諸匡鼎

店舍煙消寒食時。碧桃枝上雨絲絲。垂却湘簾敲玉子。任春歸。儂自盆中栽夜合。郎休腰下佩將離。窗外杜鵑因甚事。又來啼。

番女八拍

本意

丁澎

黃榆風急海鷺啼。馬頻嘶。蓬婆城外千山雪。錦繖蠻靴。夜打圍。梧桐樹下軋鳴機。念征衣。孤鴻一去無消息。使盡西風喚不歸。

武陵春



紀遇

鄧漢儀

不是銷魂誰肯住。花裏會纏綿。流落天涯更幾年。替際  
宛相憐。那用更歌金縷曲。小語當哀絃。綠酒紅燈雨  
似煙。拚好不成眠。

宿歡喜亭

江闔

到此正愁山未盡。怎喜宿茅窩。落日平湖千頃波。遠岫  
點青螺。藉地回看無北斗。浣手近天河。枕上猶聞採  
藥歌。六月夜寒多。

桃源憶故人

南樓雨暮

陳子龍

小樓極望連平楚。簾捲一帆南浦。試問晚風吹去。狼籍  
春何處。相思此路無重數。畢竟天涯幾許。莫聽嬌鶯  
私語。怨盡梨花雨。

懷舊

宋徵輿

碧湖飄蕩紅絲藕。秋斷不堪回首。忽憶橋西巷口。簾捲  
人垂手。如今風景雖依舊。明月天河北斗。換却滿堤  
楊柳。夢落青青後。

味画舂

汪鶴孫

佳人爲愛名兒好。緊把雕籠盛了。未慣弄聲低悄。綠樹  
輕陰繞。黃鸝莫共伊爭巧。羽似素蛾輕掃。莫是有情



京兆再世留殘稿。

別愁

董俞

玉驄肯任人難住。漠漠征塵何處。只有芳魂似絮。飛雨陽關路。綠蕉影裏雙鬟語。夢斷風流無據。屈指鳳城人去。幾度紗窗雨。

春愁

龔百藥

紅桃雨散東風起。濯濯青條如水。天別放春何地。只在鶯花裏。花朝撲蝶誰家會。點點飛花輕墜。自有舊愁牽繫。不爲新憔悴。

題閨人画扇

蔣景祁

小橋流水天台去。纔過柳梢晴雨。翠羽立花啼露。早是催歸暮。輕紈細箑誰圖與。織罷繡餘情緒。料得恨成眉語。暗蹙春山嫵。

河瀆神

本意

錢芳標

門閉藕花中。水煙一望濛濛。什碑苔澀隱秋蟲。壞旗猶颭靈風。廟前繫艇誰家女。晚沙重酌椒醕。歌罷竹枝無語。神鴉千點飛去。

又

春浪嚙鷗沙。楓人蘸影欹斜。小姑初去蔣侯家。淒涼画



壁龍蛇。無端夜半風雷疾。隔江村店如墨。愁絕短篷  
行客。夢回鄉淚沾臆。

前題

史惟圓

照水月娟娟。小姑粧鏡初懸。碧桃花發翠簾前。殘香猶  
裊斜煙。露溼旌竿鈴帶重。隔雲神女相送。繡袂天風  
吹動。凌波歸去如夢。

又

月冷小姑遊。聞郎江上清謳。自將裙帶繫筇篸。繁霜一  
曲驚秋。同在青溪橋畔住。郎自不知儂處。落葉群鳥  
飛去。夜深貪共郎語。

臨津古城隍廟下作

陳維崧

石竹響颼颼。一行斷隴荒丘。無人野渡水爭流。土城蔓  
草含愁。古廟陰森涼氣瀉。楓葉映來都赭。門外寒濤  
暗打。錯疑簫鼓村社。

無題

顧貞觀

密約水神祠。瓣香心事誰知。繡幡同上小名兒。一雙親  
系干支。蕭蕭暮雨芙蓉黑。越江猶認行迹。潮沒蘼碑  
三尺。怨魂應始銷得。

西溪浣紗女廟

陳維岱

古廟碧溪頭。斷碑長臥林丘。門前老樹縛吳牛。蘆灣幾



箇漁舟。縹緲靈旗天半去。蓬山杳杳珠樹。深夜雲輶歸處。漆燈零亂如雨。

柳梢青

春望

陳子龍

繡嶺平川。漢家故壘。一抹蒼煙。陌上香塵。樓前紅燭。依舊金鈿。十年夢斷。嬋娟迴首。處離愁萬千。綠柳新蒲。昏鴉春雁。芳草連天。

前題

宋徵輿

楊柳梢青。東郊十里。歌盡流鶯。碧玉樓頭。綠紗窗裏。春睡初醒。天涯自有人行。目斷處。長亭短亭。記得當時

香車寶馬。寒食清明。

春思

曹爾堪

垂柳風斜。隔牆黃蝶。吹入人家。客散旗亭。燕離芳榭。多似楊花。頻將淺碧籠紗。須好護幽蘭吐芽。問酒情深。尋花病懶。淚上琵琶。

秋感

馮雲驤

落葉殘霞。昔時宮殿。風捲棲鴉。壞道哀湍。美人黃土。簌簌驚沙。崩崖老樹。槎牙。月慘淡。金鳧玉蟻。千古登高。悲歌倚劍。彈落霜華。

趙武靈王墓



石路寒花。趙王古墓。樹老雲斜。恠鳥吟風。短狐嘯月。電走金蛇。塞垣一望無涯。野店響樵歌。暮笳試問當年英雄伯業。折戟沉沙。

寄怨

丁澎

紅杏依然。小樓空倚。目斷晴川。不採薜蘿。打開心鸚鵡。有恨休傳。惱人偏是雲箋。更說甚燈前枕邊。不信他家濃香豔粉。若個堪憐。

咏螢

顧同應

明月窗紗。夜涼如許。偷度西家。簾外星移。屋梁月墮。逗得些些。玉階悄憶年華。曾照個襟橫髻斜。長信宮閒。

摩訶池冷。光黯秋花。

春望

錢穀

倚閣臨軒。東風吹徹。麥秀連天。金爵臺高。銅駝門冷。殘照依然。尋思此日當年。歌舞處朱樓画船。黃鳥啼晴。海棠着雨。無限畱連。

咏桺寄伎

沈謙

野驛春餘。荒城傍晚。對語寒鳥。纔見搖金。又驚飛雪。幾日蕭疎。爲伊日斷長途。正雨後斜陽翠蕪。看小常鞦。眼重未醒。腰細難扶。

桺

吳棠楨



舞雪飛煙。漢家苑內隋帝宮前。無限風流王恭此日張  
緒當年。誰憐三起三眠。曾送去江南小船。鶯宿春風  
蟬鳴夏雨。鴉度秋天。

田家

諸匡鼎

何必桃源幾樹含煙。時近清和。魚遊蓮葉雞  
叫桑顛。竹橋臥聽潺湲。提壺到花邊。柳邊男踏車回  
女繅絲罷。同上漁船。

柳

計善

画閣平橋。東風蕩漾綠漲紅消。露拂章臺風高漢塞月  
曳隋橈。離亭猶記勞勞。繫馬處愁攀翠條。昨暮遷鶯  
今朝掠燕。明日吟螭。

早春

宋 肇

何事淹留。朝來春色又滿皇州。綺陌燒燈鳳城挑菜吹  
面風柔。招尋漫逐鳴騶。回首處傷心舊游。燕子穿簾  
杏花倚檻。小小紅樓。

懷友人白下

李良年

春事閒撥。日斜風細葉葉輕帆。燕子來時梅花落盡人  
在江南。晚來何處停驂。攜手地王孫舊語。白下殘鐘  
青溪遠笛。今夜難堪。

閨情

陳維岱



底事銷魂爲逢秋社燕子拋人十二迴關時時閒倚劃  
遍釵痕。倦來枕壓香雲。忘卸却犀簪。碎塵。一夢初回。  
幾番愁見孤燭黃昏。

自題靜香樓

吳滌

月射西窗。曾從謝眺許我清狂。墻角梅花牀頭玉笛都  
不尋常。豁然長嘯何妨。一望去煙雲渺茫。白雪胸襟  
黃金意氣做了荒唐。

賀聖朝

咏落花

史惟圓

香紅粉白。偎儂任。被流鶯催去。燈前簾幙枕前魂。夢簷  
前風雨。拋人去也。曉來庭院有漫天飛絮。窈娘堤畔。  
薛濤墳裏都無尋處。

陽臺夢

春曉

吳綺

綠鬟風動煙絲裊。碧紗如霧窗開早。楊花驀地撲人來。  
舞東風不了。傷心無限事。漸覺蛾眉翠少。十分消瘦。  
百分慵只鏡中人曉。

一絡索 第二體

送別

河東武意見  
女伎

黃河九曲儂心似。怕相逢便去。河流也欲送君行。謝曲



曲多情水。春草馬嘶何處。見綠楊愁緒。龍樓此去看  
花時。還記得河東否。

漁歌子

本意

史惟圓

惡風吹驚浪起。扁舟穩任煙波裏。酒初甜。魚正美。幾度  
斜陽逝水。好西湖應無比。藕花菱蔓牽船尾。婦莫愁  
兒莫喜。臥看暮山凝紫。

又

凍雲凝飛霰下。披蓑江上收綸罷。灑篷窗。迷草舍。人語  
炊煙初夜。望寒林都似畫。一枝瘦竹偏宜寫。醉欹眠

相枕籍。又送塞鴻歸也。

本意

吳滌

映斜陽浮小艇。冷煙濃樹波千頃。蓼花酣。蘆花暝。斫鱸  
持螯相等。綠簑披青笠頂。一般寫出清秋興。笛悠悠  
星耿耿。天半流螢冥冥。

鳳來朝

湖頭春曉

毛先舒

恰恰流鶯語。警紅樓夢殘嬌女。正輕煙薄霧籠花住。疑  
太早。又疑雨。懶画鏡中眉。覺愁來覓愁無處。黯黯  
飛將去。在曉樹冥濛許。



少年遊

第一體

本意

史鑑宗

玉驄金勒紫絲鞭。踏碎落花天。大道高樓画橋深巷，多  
少買春錢。香車經過朱門處，擲果有人憐。二十年來  
京華如夢，白髮已三千。

春愁

梁清標

啼鶯恰恰到窗紗。幾縷曉煙斜。此日春城漢宮傳蠟，散  
入五侯家。三分春色愁中度，一半在梨花。腸斷黃昏  
酒醒殘月，門外卽天涯。

別金陵女郎

盧元昌

金樽昨夜短燈前。相對影田田。驀地秋風催人腸斷，逼  
上別離天。勞勞亭北整歸鞭。回首恨綿綿。半嶺巫雲  
一江白雁，香夢幾時圓。

葉子詞

胡介

宣和遺事舊堪悲。馬弔掛彈詞。禁晚疎鐘，吏稀啼鳥，打  
葉候朝雞。咸陽烽火壓城西。劍燵滿京畿。郎官署裏  
遷逾夜火，猶賽順風旗。

代女郎送客

李雯

殘霞微抹帶青山。舟近小溪灣。兩岸蘆花，一天雁字，分  
手覺新寒。今宵霜月照燈闌。人是暮愁難。半枕行雲



送君歸去好夢憶江南。

旅况

狄億

斜尖苦被客愁局。長夜最淒清。斷魂惟有月明人靜寒  
雁叫疎櫓。便沾綠醕與誰傾。殘穗落孤檠。欬眠無那  
却還驚醒好夢也零星。

秋暮舟行

李珍

一堤疎柳罨斜陽。濃綠與輕黃。幾點遙山半篙淥水歸  
鳥兩三行。人家煙火出紅墻。村市晚相將。野寺僧鐘  
孤舟漁笛風送過橫塘。

西江月

本意

王士禛

一片西江雲月千年常照梧宮。越來溪畔酒城東。往事  
淒涼如夢。轉盼五湖代長當年三策偏工。怒潮白馬  
哭英雄。穿脇猶持文種。

懷黃山東園

夢想天都黃海吾廬亦枕黃山。半天高柳水潺潺。門跨  
飛梁絕澗。林下棋逢橘叟磯頭釣共漁蠻。煙消月出  
鶴飛還。人在画溪東岸。

渡江

龔鼎孳

箭打亂潮柔櫓鴉翻古渡青旗。春江玉雪鑿鬚眉。俊眼



相看似此。長劍錦驄香夢寶釵鈿瑟男兒。人言無淚  
灑離時。不稱英雄淚耳。

感述

曹溶

溪上蓴鱸短棹霜餘鏡鼓層臺。少年場客。圖開擲了  
龍堆雁塞。名利已酬華髮。文章又老青苔。縱饒妹麗  
解憐才。繡轂雕輪安在。

久客乍歸兒輩競索衣帛因賦 宋 琬

老去霜顛種種歸來繡襦重重辛盤銀燭画堂中。第一  
生平好夢。爭學傳柑索棗挽鬚交問衰翁。空囊更比  
少陵窮。那有天吳紫鳳。

九日

孫自式

身世飄飄落葉生涯泛泛孤舟。客心未冷已成秋。况是  
淒涼重九。何處砧聲村曲誰家笛響樓頭。十千沽酒  
欲消愁。不奈愁多於酒。

和壁間韻

曹爾堪

白日難教東下清淮肯使西流。春風吹罷又驚秋。早歎  
朱顏非舊。烏巷家家王謝黃初字字曹劉。荒榛鬼火  
北邙頭。誰是諸公之後。

味窗前紅葉

萬錦雯

鵝血層層染。辨猩紅點點凝芽。窺香映蝶。錯疑花。透徧



曲闌欲下。曉起最憐着。露晚來尤愛籠霞。挽將春色到山家。不怕西風吹謝。

有見

吳綺

小玉梳成鬧掃。善師教就琵琶。惱人春着杏兒紗。繡帶臨風一把。紅閣画將萱草。青墻映出梨花。鬪雞坊下認兒家。揀取垂楊繫馬。

小樓

沈謙

疎雨尙沾池草。輕風暗掃庭梅。小樓燈火画簾垂。簾外月華如水。被冷真愁擁髻。枕欹却憶顰眉。忽聞金斗簸殘灰。夜靜原來未睡。

落葉

計南陽

桂子香殘綠鬢。茱萸露冷紅綃。碧紗彈破雨瀟瀟。鳥鵲亂啼清曉。驚起五更幽夢。送他幾點寒潮。相思吹散廣陵橋。一夜西風古道。

喜見獅兒

陳維崧

猛獸產於絕域。驍騰來自安西。一呼百物盡披靡。何論猓奴鷄子。我顧灰頽若此。兒應跳盪如斯。神仙將相詎難爲。萬事取之以氣。

又

昔日游梁枚叔兒。生此地名臯。滑稽敖弄解詼嘲。曼倩



同時絕倒。我意殊爲不爾。詩書莫悞兒曹。憑他上樹  
日千遭。長大耘瓜撲棗。

又

兒已健如黃犢翁。何此日纔來。怒濤雪浪吼長淮。兵火  
連天四載。細聽吳音小。却戲投粃救旋廻。恠娘奩畔  
有于鬢。笑問客家何在。

又

牽狗高辛集上呼。鷹埵澤門邊。願兒無若宋人然。莊嶽  
之間不遠。六歲定歸家塾。有甥與汝齊年。西風亟趁  
下江船。蝦菜東吳正賤。

秋月

陳履端

孔雀屏邊篆細鴛鴦瓦。上霜輕。小樓單枕夢難成。閒數  
一簾疎影。人到秋來較瘦。夢隨人去無憑。知他今夜  
酒微醒。臥對涼蟾清冷。

偷聲木蘭花

紅橋卽事

鄒祇謨

綠楊城外平山路。五里香塵消煖霧。水碧迢迢溪北溪。  
南出画橋。酒旗閒向春陰捲。黃鳥一雙籬外轉。堤畔  
人家。風細秋千影半斜。

登郡城有感

蔣景祁



垂楊綠映炊煙繞。遠水藍拖明鏡曉。粉蝶連雲。一架誰  
樓天半分。十千買得蘭陵醉。歌罷碧桃花又褪。暗數  
繁華。簾月梁塵燕子家。

上巳前一日齊河道中阻雪

遙空片片飛鸞鶴。野樹蕭蕭凍鳥鵲。冷落旗亭。不辨齊  
州九點青。江南此日春風膩。杏靨桃腮愁上巳。客裏  
勞勞。銷得年光似灞橋。

燕歸梁

烏衣巷

吳綺

古巷閒來黯自傷。不待斜陽。當時人物總尋常。更休笑

燕兒忙。翩翩裘馬來何處。總非是舊兒郎。一般花草  
上歡場。別自有好華堂。

荷葉盃

秋憶

湯思孝

看盡夕陽西去。無語。何處玉簫聲。秋風吹送未分明。莫  
也訴離情。簾外草深蟲絮。微雨。醮破碧波天。輕紈記  
得共凭欄。雲月似當年。

四和香

閨情

朱彝尊

小小春情先漏泄。愛縮同心結。喚做莫愁愁不絕。須未



是愁時節。纔學避人簾半揭。也解秋波瞥。篆縷難燒  
心字滅。且拜了初三月。

瑶華集卷四

河傳 第一體  
二首

少年遊 第二體  
三首

一痕睂碧 一首

迎春樂 一首

思越人 一首

河傳 第二體  
三首

醉紅粧 三首

醉花陰 八首

燕銜花 一首

尋芳草 一首

揆春令 三首

南歌子 十九首

雨中花 一首

河傳 第三體  
一首

怨王孫 五首

河傳 第一體  
一首

紅窗聽 一首

河傳 第五體  
一首



東坡引 一首

河傳 第六體 一首

浪淘沙 三十六首

河傳 第七體 一首

醉瑤瑟 一首

河傳 第八體 一首

雙調望江南 十九首

杏花天 三首

撥香灰 三首

江月晃重山 二首

河傳 第九體 一首

雨中花 第二體 三首

鷓鴣天 二十九首

河傳 第十體 一首

玉闌干 二首

河傳 第十一體 四首

金鳳鈞 一首

河傳 第十二體 一首

河傳 第一體

本意

蔣景祁

雨宿風走。奉檄負薪望陰栽柳。桃花平漲土偶木偶。怒濤誰共守。秋來瓠子渾波瘦。銀錢藪。填盡春浪口。豐碑字勒蝌斗。黃金看繫肘。

又

渺渺煙色濁浪沸天。浩波煎日。野田新現千尺百尺。舊時曾甃石。巡河使者埋輪出。繡衣招持斧。驚縣卒。空沉璧馬蛟窟。年來無耗息。

少年遊 第二體

翻書

趙進美



檀欒脩竹歲蕤小徑屏影落紅塘。湘帙初開，  
縑光如雪。纖指粉痕香。綠鬟竝，  
金蟬重細語，映鴉黃。檀點新詞，  
線縈奇字，佳處兩三行。

卽事

魏學渠

雨過重陽，柳橋月小，殘雁送新涼。  
幾日晴川，三旬沙市，無夢聽更長。  
秦箏寫盡離人意，風急近瀟湘。  
嶺接吳雲，江連越水，畢竟是他鄉。

閨情

張台柱

碧梧墜葉，画簷滴露，樓外已三更。  
翠被重熏，金樽再煖，斜月下銀屏。  
安排腸斷，明朝別相對，不勝情。  
京國繁華，疎狂似你，真是費叮嚀。

一痕睂碧

湖上行春

丁澎

風送画橋春淥，戲水紫鴛爭逐。  
柳花落盡，短長亭偏亂，惹低鬟綠。  
人倚翠樓如玉，忍使嫵睂長蹙。  
鷓鴣飛上竹枝啼，停樽且盡吳娘曲。

迎春樂

垂絲柳

陸求可

春工二月如并剪，細剪出絲絲軟。  
淡煙濃雨，黃金淺，看嬾娜隨風轉。  
見繫馬人兒過眼，知誰是情長情短。  
却



似相思頭緒欲斷應難斷。

思越人

無題

朱彝尊

小門關。溪徑轉。昔年曾醉秦樓。笑撚画裙。青案底。教擡  
纖手藏鈎。臨行指我相尋路。鏡湖一曲。西去繞徧湖  
塘。烏柏樹。知他門掩何處。

河傳 第二體

春閨

吳洪化

殘杏。粉墻紅映。煙雨溟濛。輕輕雙燕剪。東風泥融。隔簾  
櫳。呢喃欲共佳人語。隨花舞。故惹空閨妬。落英銜墜  
画梁前。微蕙弄晴薄暮天。

豆莢

史可程

日上柳絲晴漾。綠暗齊腰。休文行藥。度溪橋。青搖豆初  
嬌。春情冶似清明候。穿花走。潮暈相思豆。蠶娘態比  
豆花憨。春衫嬌拖燕尾尖。

咏桂

路鶴徵

金粟團香萬斛。花霧空濛。緯珠不捲。月明中。玲瓏逗微  
風。只愁開罷秋將老。連芳草。蕪却淮南道。落英如雨  
細無聲。淒清高齋聞雁鳴。

醉紅粧



味螢

陳子龍

空庭星露暗香消。冷熒熒煙外飄。一簾涼影點青宵。明  
還滅弄花梢。多情飛上翠雲翹。倩他照晚粧嬌。更喜  
玉纖輕拂下。偏不見落紅綃。

勸酒

吳綺

迴廊羅幕捲金泥。照垂楊月影齊。有人年少斂蛾眉。歌  
宛轉勸玻璃。就中擲眼怕人疑。佯轉面整紅衣。低告  
玉郎須盡醉。郎不飲又花飛。

罷官後看菊有作

菊花能醉去官人。對鴻妻引鶴孫。顛狂不怕大官嗔。吾  
眠矣任諸君。前山過雨黛初勻。晚猶帶斷霞痕。蘭葉  
輕舟堪載酒。明日訪莫愁村。

醉花陰

擬豔

陳子龍

繡幙屏山紅影對。兩點愁眉。消息又黃昏。立徧蒼苔  
賺得心兒悔。一縷博山庭院內。人在秋千背。夜久落  
春星。幾陣東風。殘月梨花碎。

無題

錢棟

朱闌小徑藏青靄。攜手生春態。若比六朝人。羞殺潘郎  
叔寶還教拜。溪塘一曲闌干外。百舌真無賴。忘了墨



池邊閑拾榆錢付與東風賣。

擬豔

宋徵輿

風裊繡簾雲影礙。一半輕粧退。玉漏出花間。羅襪無聲。人影紗窗背。酒煖春酥紅入黛。銀燭搖仙佩。和露洗胭脂。金粉全消。只有香肌在。

閔園

宋琬

雨餘天似柴窑碧。脩竹穿籬出。滿地碎秋聲。白鳥青蟲。生長芙蓉國。森然奇鬼池邊石。紅葉纏青壁。屐齒竟忘歸。醉倚層樓。三弄楓林笛。

寒食

丁澎

墻角鞦韆紅影度。踏徧新苔露。看恨寄天桃。賺燕迷鶯。都做相思樹。柳絲煙挽湘簾暮。春悶晴如雨。樓外更飛花。屈戍重重。難鎖東風住。

秋怨

李葵生

惱亂離腸秋草色。人比天涯隔。相約柳初黃。望到而今。滿樹摧殘碧。斜陽鴉背西風急。拚醉眠無力。欲待不思量。酒醒香寒。怎不思量得。

題山中廬

湯傳楹

古岸春陰剛欲半。風柳吹成片。山綠掛簷前。溪曲松深。小鳥呼游伴。芒鞋竹杖隨雲絆。芳草年年換。日落聽



樵歌隔水歸來暮雨敲門扇。

送春

丁燁

春風隔歲重相見。暗約香魂斷。擬作揆花人。蝶嬾蜂殘。  
驀地催人轉。落紅無主紛成片。寂寞停歌扇。最是可  
憐宵一刻。殘檠萬種思量遍。

燕銜花

春閨

丁澎

吹落燕銜花絮。着意畱他住。簾櫳斜入。復飛來。凝眸乍  
已暗隨春去。欹枕小眠驚起。沒箇安排處。剔勻殘穗  
又燈花。郎歸也。正蕭蕭暮雨。

尋芳草

本意

張淵懿

撩亂勻如剪。看鋪就荒郊古渡。儘花驄踏徧。王孫路。馬  
蹄外青無數。嫩色染春衫。渾不管柳枝相妬。是誰教  
簇着愁來處。天付與東風做。

揆春令

上元雨

陳子龍

寒梅香斷滿簾風。庭院春無主。火微紅。明滅紗窗裏。知  
有玉人低語。年時花月相逢處。隔小橋幾許。想今宵  
獨剔銀燈和淚。多了黃昏雨。



幽期

沈豐垣

停針笑剔玉釭明。正月斜簾外。整殘粧故作深深態。偏  
不管郎先在。茶蘼刺惹紅絲帶。漸微微露灑。恁相逢。  
還向翠陰低處。摘朶花兒戴。

咏杏花

在叔祖殿  
元公宅內

陳維崧

崇仁宅靠善和坊。舊離闌都壞。問玉樓人醉今何處。只  
一樹花還在。紅香籠帽歸鞭快。更何人能戴。到如今  
和了滿城微雨。頻上街頭賣。

南歌子

旅夜

曹溶

隔院牽巫枕。抽簪叩蜀絃。恁情輕薄小樓前。好作從軍  
蕩子。賺人憐。玉澁啼蘭。晚濃愁上雁鈿。西林渡口奈  
何年。零落鴛鴦心事。曉霜天。

旅恨

馬度離人地。山銜去國程。孤身都似雪花輕。僥倖不知  
春色過清明。小榭低金鎖。香簾冷玉笙。那家沽酒甚  
多情。又被晚風吹送。宿河城。

秋思

方大猷

衰草黏天際。寒蛩警枕頭。老夫偏會種離愁。教把宜春  
揭去貼宜秋。書斷雲中雁。情孤水上鷗。又誰臨月引



瑩篔。剛唱思君不見下渝州。

又

蓬髻驚堆雪。衰容豔拒霜。莫持瓊管弄清商。吹得萬千  
林葉一時黃。誰道春如剪裁成百樣芳。那知秋色是  
千將。天外群峰處處割愁腸。

寄友

宋徵璧

濯足清流淺。垂綸百尺潭。清風明月慣成三。且與良朋  
斗酒醉雙柑。貧賤誠吾志。波瀾總未諳。中年好道足  
幽探。忘却一身淪落在江南。

冬曉

李雯

霜痕隨碧甃。素綆斷銀瓶。香消翠被五更清。慣是獨眠  
人起見壺冰。亂雲黏指凍。煖筆畫眉輕。菱花寒湛遠  
山青。記得常年攜手近窗櫺。

鷓鬢

王士禛

簫局晨香裊。流蘇曉夢還。十三小女綠鷓鬢。情似十三  
明月未全圓。花影紅屏午。春光碧戶傳。抱來雁柱十  
三絃。已覺一絃一柱思華年。

起句用少陵

杜濬

徐步移班杖。看山仰白頭。鍾山管領萬山秋。不見丹楓  
白鹿使人愁。急急能鳴雁。輕輕不下鷗。後湖無數打



魚舟不見金鋪銀鑰恨悠悠。

春閨

董元愷

柳影籠珠網。蕉陰映綺窗。朝暉錯認是斜陽。又是一番  
殘夢暗思量。清鏡慵開匣。輕衫慢爇香。驚魂風裏絮  
悠颺。恰趁花間蝴蝶過東墻。

無題

顧貞觀

鏡裏看花發。門前聽馬嘶。杏梁何事有單棲。不見天涯  
芳信幾回疑。欲剪同心帶。還占薄命詞。悄垂羅幙護  
相思。爲祝東風休卷綠楊絲。

賦得玲瓏隔窗語

毛奇齡

青漆垂銀鑰。丹砂映玉櫳。隔窗嬌立小芙蓉。兩地分明  
細語一燈紅。好鳥音初剪。幽蘭氣轉濃。相看枉自喚  
玲瓏。一寸明螺榻子萬重峰。

蝶庵花下送蘇仲補游京師

陳維崧

帶醉翻楸局。伴愁惱綺筵。笑他柯爛不知年。輸爾纔拈  
玉子便通仙。挾瑟龍池上。鳴鞭鳳闕前。妙齡絕藝有  
人憐。可憶江南分手落花天。

秋夜

胡會恩

缺月窺虛牖。高風剪敗桐。夜涼香爇碧紗空。爭奈年時  
人病雁聲中。綠綺新愁結。紅蕤舊約同。歡期如夢太



匆匆又是一簾秋雨颭芙蓉。

九日懷古

沈爾燦

汾水年年雁。吳江點點楓。最難忘是夕陽紅。那更麗譙  
殘角捲西風。尋菊人何在。登樓賦自工。當時參佐亦  
英雄。老去踏穿黃葉石橋東。

古戍

成德

古戍饑鳥集。荒城野雉飛。何年劫火剩殘灰。試看英雄  
碧血滿龍堆。玉帳空分壘。金笳已罷吹。東風回首盡  
成非。不道興亡命也豈人爲。

石城懷古

朱彝尊

青蓋三杯酒。黃旗一片帆。空餘神讖斷碑鐙。借問橫江  
鐵鎖是誰監。花雨高臺冷。胭脂辱井緘。夕陽畱與蔣  
山銜。猶戀楓香閣畔舊松杉。

鑿江舟中

黃雲

揚子濤聲近。義河塔影浮。日斜猶滯木蘭舟。何處白沙  
煙樹古真州。戰馬嘶蘆渚。軍旗閃驛樓。宋家丞相廟  
仍畱。不道又吹殘角荻花秋。

偶贈

董思凝

古調青衫溼。新聲白雪傳。半生常喜醉瓊筵。獨發吳歛  
清妙在花前。世事滄桑改。高懷鬢髮懸。天台有伴好



求仙依舊桃花溪水似當年。

味琉璃瓶紅魚

蔣景祁

測去如千頃。凝來只一丸。明螺窗外月光寒。恰似危樓雲雨水扶天。錦鯽雙雙泛浮萍。點點攤高低。滾得浪花紋圓。不識玻璃三寸許多寬。

雨中花 第一體

春去

丁澎

此去明年還見。何事離情難遣。紅淚如珠偷彈多少。肯把東風換。未到三更猶是伴。且待闌干弄晚。奈鳥亂花喧。秋千立盡。目送殘陽遠。

河傳 第二體

春情

曹溶

綠怨春半。低回曲檻。茜衫曾見。夜闌風轉金鈴。夢醒一睚秋。水青。淚絲新染秦絃澀。屏間立。別怨煎人。急拂輕綃。淚歸潮。相招。隔花停畫橈。

怨王孫

閨情

張台柱

恨不砍去垂楊千樹。又到春來。飄綿捲絮。樓上欲望江南。怕開簾。遠山不肯遮斜日。愁難釋。費盡春醪力。倚屏還聽寶馬嘶。過長橋。雨瀟瀟。



風

蔣景祁

吹草變柳。動簾入牖。帳捲流蘇。鑪斜寶獸。夢裏催響簷  
鈴。研秦箏。思量江上人何處。孤帆渡。渺渺天涯去。空  
餘故國雲樹。秋入園中。落梧桐。

花

含露愛日。吟紅弄白。各自嬌嬈。一般憐惜。春雨一夜堪  
聽。賣花聲。小樓粧罷移蓮步。春如霧。只是愁無主。好  
同芳草飛去。綠到無痕。憶王孫。

雪

史惟圓

灑徑迷路。撒鹽飛絮。着地旋消。隨風仍聚。江上冷落漁  
磯。一簣歸。歌樓僧舍平遮盡。還驚問。誰綴梅梢粉。紅  
窗貪睡。夜半金鴨香殘。錦衾寒。

月

水彩滿地。蟾光如水。鼓角三更。關山千里。別有人倚高  
樓。碧空愁。啼蛄訴冷牀頭語。幽夢阻。今夜清輝苦。芙  
蓉香露。和影漸透簾旌。枕函驚。

河傳

第四體

黃薔薇

陳維崧

櫻桃已謝。牡丹開罷。薔薇滿樹。夕陽漫漫。一架低亞。檀  
痕汗粉帕。黃鸝一色。枝頭罵。朦朧怕。誰迸金丸打。画



廊東繡花鼓芳絨施朱近也慵。

紅窗聽

聞琴

陳廷敬

越豔吳歌今樂此更何必碎琴燕市窗燈簾月娛幽獨  
覺我將老矣玉軫霜絃聊暫倚恰消受疎鐘正起驚  
鴻欲度一彈三唱任征人憔悴

河傳 第五體

春雨

周積賢

春雨春雨落花做草捲霧成煙謝娘鸞鏡損朱顏終年  
自生憐又見雙鴻飛上苑音信短斜日紗窗晚蕭郎  
不寄葢珠牋楚天夜寒空捲簾

東坡引

鷓鴣

朱彝尊

泖沿潭裏浴波圓明鏡蹴濃花淡柳西湖曲臨流看不  
足晴沙遠暎淺水撲鹿鎮日夜鳴相續采蓮人去菰  
蒲綠一雙飛又宿一雙飛又宿

河傳 第六體

採蓮集唐詞

蔣景祁

團扇王建宮中調笑雙臉溫庭筠歸國遙翠輦紅斂顧夔臨江仙細雨霏微  
露華點滴香淚孫光憲思越人夢裏佳期馮延巳暗



相思韋莊應天長

鴛鴦對浴銀塘暖

毛文錫虞美人

蘋葉軟

和凝春光

好還似花間見

張泌胡蝶兒

別來依舊

歐陽炯賀聖朝

可能更理笙

簧李珣中興樂

斷離腸

牛希濟酒泉子

### 浪淘沙

#### 憶昔

陳子龍

清淺木蘭舟。春思悠悠。暮雲凝碧倩粧樓。當日画堂紅

燭下戲與藏鈎。何處問重游。好景難留。誰家花月惹

人愁。總有笙歌如夢也。別樣風流。

#### 感事

吳易

落魄少年場。說霸論王。金鞭玉轡拂垂楊。劍客屠沽連

騎去。喚取紅粧。歌哭酒壚旁。筑擊高陽。彎弓醉裏射

天狼。瞥眼神州何處在。半枕黃梁。

#### 端午

吳偉業

纏臂綵絲繩。妙手心靈。真珠嵌就一星星。五色疊成方

勝小。巧樣丹青。刻玉與裁冰。眼見何曾。葫蘆如豆虎

如蠅。旁繫纍絲銀扇子。半黍金鈴。

#### 題園次收綸濯足圖

曹溶

癡絕此漁翁。不釣三公。吳南越北柳陰濃。萬事且須看

脚下。海闊山空。百恠舞蛟龍。雨雨風風。熱場斂手是

英雄。欲展絲綸還有待。人在圖中。



楊花

金縷曉風殘。素雪晴翻。爲誰飛上玉闌干。可惜章臺新  
雨後。踏入沙間。沾惹忒無端。亂撲征鞍。一春幽夢綠  
萍間。暗處消魂。羅袖薄與淚輕彈。

李 雯

似陳涉江

方以智

風起恨青霄。堆砌無聊。亂紅催語肯相饒。九十春光留  
不住。只在今朝。舊淚灑橫橋。那更吹簫。一聲斷處血  
難消。夜半子規啼不盡。只見花飄。

秣陵秋旅

宋徵輿

雁字起江干。紅藕花殘。月明昨夜照更闌。酒醒忽驚秋  
色近。回首長看。零落曉風寒。鄉夢須還。鳳城衰柳不  
堪攀。木落秦淮人欲去。無限關山。

暮春閨思

路 邁

花柳漫凝眸。誰與同遊。曉粧無力倚珠樓。望斷天涯  
羞黛鎖。減盡風流。燕舞觸簾鉤。絮語輕柔。纖纖閒整玉  
搔頭。怕聽子規啼不住。攪動離愁。

宮怨

丁 澎

蟾吐玉階寒。翠袖低翻。每從花裏候龍顏。愛聽君王吹  
玉笛。倚徧闌干。新賜碧彊環。不道巫山。莫曾私幸尙  
衣班。生怕守宮痕漸落。幾度偷看。



銅雀臺

黃 末

拊掌說曹公。天下英雄秦皇漢武畧相同。豪舉今朝堪  
想見。銅雀春風。金碧嵌瑤宮。鎖翠圍紅。虬髯如戟坐  
當中。只有二喬空佇望。虎視江東。

燕子磯

吳 綺

故國亂山圍。煙樹依稀。嗟我片石碧雲低。萬里濤聲來  
向晚。捲盡斜暉。鐵纜繞危磯。欲上還遲。西風吹處勢  
如飛。爲恐江東畱不住。鎖着烏衣。

客窗聽雨

鄒 祇謨

綠柳正飛綿。半是陰天。孤燈和枕不成眠。青火未吹光  
似豆。故閃風前。花事正蕪然。好景誰憐。客游還到大  
江邊。細雨連宵看皓魄。誰缺誰圓。

題萍香閣

王 屋

空翠潑墻頭。灌木脩脩。晴鳥將子掠鳴鳩。暫去還來溪  
竹裏。苦笋新抽。萍底嫩香浮。活活溪流。晚來煙火隔  
籬稠。欲問桃源何處也。花外漁舟。

秣陵懷古

周 積賢

御柳拂宮墻。又自蒼蒼。石城山色接天黃。忽憶春花三  
十度。空帶斜陽。繡瓦落雕梁。塵鎖紗窗。烏衣巷靜晚  
風涼。舊日諸郎今躍馬。無限韶光。



題仕女圖

馬鳴鑾

雙髻欲堆鴉。臉斷朝霞。鶯啼花影落窗紗。十二巫峰渾是夢。雨細雲斜。油壁下香車。日送鴻賒。紅闌珠幙阿誰家。紈扇輕攜裙帶緩。自惜韶華。

無題

成德

紅影溼幽牕。瘦盡春光。雨餘花外却斜陽。誰見薄衫低髻子。抱膝思量。莫道不淒涼。早近持觴。暗思何事斷人腸。曾是向他春夢裏。瞥遇回廊。

又

悶自剔殘燈。夜雨空庭。瀟瀟已是不堪聽。那更西風不解意。又做秋聲。城柝已三更。冷溼銀瓶。柔情深後不能醒。若是多情醒不得。索性多情。

簾下美人影

曹貞吉

對面尙參差。難慰相思。東風無力画簾垂。薄霧冥冥春未曉。掩映花枝。蟬影亂罌思。似隔天涯。金鈎雙控是何時。獨立窺人人不見。捲上些兒。

丁巳清明

煙草似愁生。綠滿長汀。隔牆隱隱賣花聲。十日雨絲天作劇。渲染清明。林外乍啼鶯。樓外峰青。東風拂面酒微醒。欹帽垂鞭何處去。淄淄寒輕。



春恨

沈謙

彈淚溼流光。悶倚回廊。屏間金鴨裊餘香。有限青春無限事。不要思量。只是軟心腸。驀地悲傷。別時言語總荒唐。寒食清明都過了。難道端陽。

夜怨

人靜雨瀟瀟。簾影風搖。殘杯獨酌轉無聊。翠袖啼痕紅燭淚。同灑春宵。煙水隔斜橋。魂斷難招。帶圍寬盡沈郎腰。到得見時卿試比。不讓苗條。

春閨

沈豐垣

欹枕帶紅綿。積雨生寒。朝來強起看青山。細數春光將九十。幾箇晴天。塵鏡黯朱顏。往事難言。匆匆彈指十三年。摘得青梅聊寄與。不要心酸。

味煙

張台柱

春柳暮煙含。燕醉鶯酣。飄綿舞絮恨相兼。雨打風吹收不了。又上睂尖。繫馬弄金銜。斜日厭厭。夢中歸路又誰諳。渺渺茫茫花一簇。說是江南。

不寐

昨夜夢魂中。翠袖輕籠。月華低照錦香叢。若使伊家同此夢。也算相逢。今夜恰惺忪。好夢無踪。孤幃寂寂聽寒蛩。一點漏聲千點淚。月挂疎桐。



送歌者楊枝還江南

陳維岳

飛絮滿闌干。春漸闌珊。楊枝此去太無端。我唱江南魂  
易斷。抵似陽關。歌管落花間。一路千山。竹房人記立  
樽前。禪榻髻絲銷不盡。別路漫漫。

衢州

李珍

一葦泊寒流。人正多愁。臨風把酒撥箜篌。城上譙聲城  
下水。送盡行舟。淡月照如鉤。戰壘荒洲。煙簑客去取  
封侯。欲賦招魂何處也。濃霧山頭。

納涼

王顥

一陣夜涼風。初月如弓。羅衫葉葉出簾櫳。恰是晚粧新  
浴後。茉莉香濃。獨坐小庭中。惱殺秋蛩。天涯不見雁  
書通。記得別時河射角。織女星紅。

舟過東郭廢園

吳本嵩

一葉下晴川。正夕陽天。西山拖雨斷虹鮮。不是荷花親  
指點。誰說平泉。歌舞憶當年。肯羨神仙。繁華如箭忽  
離弦。亂甃殘垣能幾日。取次桑田。

雨花臺

朱彝尊

衰柳白門灣。潮打城還。小長干接大長干。歌板酒旗零  
落盡。剩有漁竿。秋草六朝寒。花雨空壇。更無人處一  
凭闌。燕子斜陽來又去。如此江山。



憶昔

鄧漢儀

遊跡憶羊城。膩雨啼鶯。紅蕉花放綠珠亭。洋燭三條燒不盡。閒與搗箏。更促譜新聲。城上三更。身絲細寫懊儂情。只自臨風人欲別。記取春醒。

西泠懷古

田茂遇

湖水碧漸漸。春雨廉纖。吳山樹盡滅朝嵐。德壽故宫猶在否。幾箇茅庵。玉柙有人。揆明月空含。冬青花下問金蠶。杜宇有魂。招不得。淚滿江南。

懷舊

狄億

灼灼小桃紅。買斷春風。含顰掩黛倚簾櫳。欲把相思渾

寄與斜月朦朧。煙景溼濛濛。鷓鴣聲中。殘英剩粉怯愁容。又被無情雙燕子。銜過墻東。

初度集句

萬樹

歸夢寄吳檣。陸游南雁字成行。高觀國天將離恨惱疎

狂。晏幾道王粲登樓。寥落際。王庭筠淡月紗窗。歐陽脩

露蕊鬱金黃。毛滂生勸酒持觴。周邦彥田園只是舊

耕桑。辛棄疾四十三年如電抹。蘇軾玉利鎖名韉。孫夫

柳中

又

一隻木蘭船。孫光憲離恨綿綿。花蕊夫人落花飛絮兩



翩翩歐陽脩歸去江南丘壑處劉仙倫斗帳高眠張季

紅江家在綠楊邊顧復醉茅舍山前劉過行惹窗映竹

滿爐煙歐陽炯舊事悠悠渾莫問盧祖臯四十二年辛

疾未遇樂

新柳

閨秀 劉氏

昨夜雨綿綿寒澁燈煙薄衾蕭索不成眠曉起牀頭看  
曆日換了秋天綠葉尙新鮮猶想爭妍教他知道也  
淒然眼底韶光容易過樹且堪憐

閨情

王朗

疎雨滴青簔花壓重檐綉幃人倦思厭厭昨夜春寒眠  
未足莫捲湘簾羅袖護摻摻怕拂香奩獸爐香倩侍  
兒添爲甚雙蛾長鎖翠白也憎嫌

河傳 第七體

烏銅屏

宗元鼎

一天冰景絲絲照出繡鴛交頸画工那解画真容秀整  
天然花下影于今沙草眠瀉瀉繁華息往事空相憶  
楊柳風煙露濃落紅翠屏山幾重

醉瑤瑟

重游西湖

丁煒

山如黛柳如煙明湖卯色尙依然花迎羅綺晴堤外磬



引袈裟晚寺前。揮玉笋弄珠絃。醉來便臥鴨頭船。多情風月留人住。莫負秋光鏡裏天。

河傳 第八體

汴渠

宗元鼎

風流帝子。江山兒戲。舳艫千里。汴渠邊楊柳低垂。堤水異香河上起。吹簫伐鼓歌龍女。雲和雨。綵纜休教住。鬪春風。桃影紅。飄空輕煙爛熳中。

雙調望江南

本意

高士奇

堪憶處。墻繞院西樓。紅樹窗前花鬪錦。碧天簾外月如鉤。時序總悠悠。消瘦了。少小舊風流。午摘珠蘭纔被浴。晚開茉莉更梳頭。同坐看牽牛。

又

茅舍畔。森木暗明湖。雨足東疇收晚稻。霜沾別圃刈香蔬。舉網得江鱸。落照後。蝦菜集盤盂。小婦金環能約酒。幼兒玉盃趁呼盧。還羨早朝無。

前題

宋徵輿

江南扇皎皎。似齊紈。雪影漫隨纖手落。霜風常使玉人寒。兩面合歡難。多少字。題墨未曾乾。蠶紙有絲空自摺。竹邊無淚錯相看。秋月共團圓。



又

江南好夜合有花神。忽雨忽晴今日事。如真如夢昨宵人。寶枕剩啼痕。思量着還去臥重茵。榴蹙小巾紅燄滿。蝶畱殘翅粉衣新。無處借春魂。

和宋直方作

單恂

江南好花事正荼蘼。寒側側時嫌中酒綠陰陰。裏泥圍棋私語落紅知。從他別只管雨如絲。金鴨自薰蘇帳潤。錦魚無信繡簾垂。清晝似年遲。

又

江南好剛雨又還晴。燕掠小翎櫻顫。蝶黏初粉藥花輕。羅袖峭寒生。寒凝望樓角夕陽明。應換晚粧催拭鏡。旋翻新曲趁吹笙。那信有淒清。

又

江南好麥信一番寒。碧茗焙香松葉路。銀鱗翻雪棟花灘。惆悵又春殘。梅梢雨千子綠新乾。幽夢蝶驚虛畫枕。小詞蠅細滿烏欄。和淚寄伊看。

又

江南好花氣愛春香。豆蔻年時才二月。海棠模樣是三郎。窄窄試羅裳。銀燈畔橫溜眼波長。百子帳垂還似夢。五絲衾薄不愁涼。絮絮道思量。



又

江南好。一霎是榴紅。杏子輕衫渾似霧。桃花小扇不禁風。照影碧池空。無端去已轉。画橋東。淚共玉蟾黏粉紙。人如銀鴨守薰籠。祇當未相逢。

寒月

秦淮月。最是小春清。紅葉樹梢風獵獵。黃花叢上露盈盈。照盡六朝情。消魂別隱隱。又明明。酒灑碧螺重。研紙香煨銀鴨正。吹笙舊事到三更。

楓橋夜泊

董俞

楓橋路。煙水正迢迢。欲向東君尋舊約。渚花巖月兩無聊。辜負是春宵。人何在。獨倚赤欄橋。遙憶去年櫻筍候。画船紅燭聽吹簫。往事更魂消。

偶感

嚴繩孫

歌宛轉。風日渡江多。柳帶結煙留淺黛。桃花如夢送橫波。一覺懶雲窩。曾幾日。輕扇掩纖羅。白髮黃金雙計拙。綠陰青子一春過。歸去意如何。

悼歌伎桐月

宋泰淵

江南好。臘盡小梅枝。翠羽撥春粧。燕子紅闌積雪琢獅兒。醺醪泛金卮。青燈背。眷語醉來時。長願三生逢好夢。莫教兩地說相思。偷整縷金衣。



前題

張淵懿

江南好。小玉乍相逢。新剪鴉翎齊粉額。半含荳蔻貼酥胸。一朵碧芙蓉。情脉脉。心事隱睂峰。鳳局旋拋香黯淡。鷓鴣絃斜撥。手玲瓏。髣髴怨東風。

又

江南好。小院露荷芳。粉葛淺裁新袖窄。茜羅輕綰細腰長。隔坐欲生涼。無個事。斑管試拈將。蘭蕊半分螺黛碧。口脂微沁。墨痕香。清韻逼瀟湘。

又

江南好。秋色麗晴川。蓴菜白肥釵股滑。鱸魚銀軟筋頭鮮。沉醉綺羅邊。更漏靜。殘蠟照離筵。玉軫柔柔驚雁促。紅牙的的。溜珠圓。一曲碧雲天。

又

江南好。未夜月初圓。錦幃簇紅春似水。玉缸凝碧酒如煙。密坐近嬋娟。更靜後。燭影照誰邊。悄地藏嬌兜鳳屣。倩人扶醉。負花鈿。來往翠屏前。

又

江南好。門鎖夜臺深。雨撲雕闌紅曲曲。霜攢繡瓦碧鱗鱗。金井轆轤沉。憑想像。爭寫洛川神。凍月珮環聲不響。凌波羅襪淨無塵。何處喚真真。



江南詞

林子威

江南蝶影貼繡紅。儂膩粉新盈。多睡態輕黃。初褪越風流。好夢易相投。尋春去。只在百花樓。未有鶯來先串。柳已無燕後更飛秋。占盡四時愁。

杏花天

花朝過金魚池

梁清標

鶯聲曲岸輕陰乍。春水漲城南臺榭。誰家高結秋千架。人在賣花簾下。踏青鞦舊游重話。記挾彈芳原試馬。杏花小雨西村社。放了東風寬假。

杏花村

吳綺

東風初到烏衣路。開盡了輕紅千樹。顛狂不見當年杜。花裊酒旗青紵。又過了榆錢柳絮。渾莫勸東君且住。恨他燕子啣春去。一片杏泥何處。

早秋過黃念在書屋

陳枋

玲瓏錦石千盤曲。枕函舫連楹書屋。一闌芳草羅裙幅。猶染得春前綠。簾鈎落日趁碁局。笑無事花陰眠足。半竿香棗臨風撲。剛逗響東鄰竹。

撥香灰

春恨

毛先舒

嫩黃楊柳東風後。熨未展眉梢雙顰。猶記長條復短條。



親折處牽郎袖。隔年人面何如舊。拖引得紅儂綠。慙除却鞋尖似昔時餘。都是今春瘦。

無題

成德

藥闌攜手消魂侶。怎不記看承人處。除向東風訴此情。奈竟日春無語。悠颺撲盡風前絮。又百五韶光難住。滿地梨花似去年。只多了廉纖雨。

春闈

游絲斷續東風弱。悄無語半垂簾幙。紅袖誰招曲檻邊。颺一縷秋千索。惜花人共殘陽薄。春欲盡纖腰如削。新月纔堪照獨愁。却又照梨花落。

江月晃重山

平望舟中

吳綺

淼淼玻璃千頃天。教吳越黏連。三秋風露好山川。今宵也沽酒白雲邊。何處支機可問。直須秉燭無眠。醉中狂嘯欲驂鸞。新詩就歌向玉嬋娟。

題波間明月圖爲葉南屏

蔣景祁

天上孤懸似鏡波。波間乍湧如丸。清秋風露鬢憐潘。光搖亂凝望不成圓。印入萬川一色。有人此夜同看。待吟絕句寫繁絃。驚他也星斗落江寒。

河傳 第九體



寒夜

陳維岱

風起村裏。暝煙纔做。柴門都閉。清霜歷歷。墮前堤。星稀  
月明。烏夜啼。小窗寂寞。凝寒色。鼠窺食。燈影昏如墨。  
酒初醒。夢難成。傷情。閑愁堆二更。

雨中花

第二體

春夢

沈謙

月冷梨花。渾欲謝。沒甚事。和衣睡罷。寶帳燈明。翠屏香  
裊。已在花陰下。獨行小徑。心兒怕。遙望見。玉簾低挂。  
寂靜無人。分明有路。隔着秋千架。

解嘲

彭孫遹

麴生已拜尙書尹。毛生又攝中書品。橘叟千頭。竹君千  
戶。盡領通侯印。羽客乘軒。花錫袞。先生豈合長棲遁。  
官柳排衙。官蛙疊鼓。官補南柯郡。

夜懷

張台柱

暗竹敲風聲不定。越顯得夜庭寂靜。塞雁來時。一天霜  
露。煙薄芙蓉冷。不對銀蟬。嫌漏永。空憶着舊家門徑。  
翠幙籠香。紅燈映水。歸夢迷花影。

鷓鴣天

題画

宋徵輿

粧束分明是內家。綠雲初綰倚窗紗。水晶簾底懸秋月



雲母池邊浸碧霞。紅襪小翠裙遮。微風搖颺一鈞斜。無端記得春深淺，獨向空庭數落花。

重陽晚眺遇雨

李昌垣

十里平蕪帶晚霞。蕭蕭歸雁宿汀沙。雨迷村外行人渡。花滿溪南處士家。思往事，負年華。夢魂飄泊任天涯。西風吹換江州髻，獨醉東籬數暮鴉。

贈隱者

宋 琬

俛仰乾坤一草亭。科頭箕踞眼還青。休妨南郭先生睡。不羨東吳處士星。泥藥竈護花鈴。春來蜂蝶共經營。兒孫功課無他事，熟讀龜蒙耒耜經。

偶成

曹爾堪

墻缺城西望翠微。東鄰槐柳是耶非。簷條新接龍鬚老。園甲纔抽馬齒肥。花正好，露方晞。採藍採紫劇芳菲。秋蟲巧變黃蝴蝶也，學鷦鷯一樣飛。

野塘卽事

蟹舍雞棲共一椽。千竿脩竹弄晴煙。鳥聲都在征鼙外。兵氣猶纏大角邊。書案淨，雜花妍。種魚栽藕野塘偏。木香吹雪人間世，讀罷莊生駢拇篇。

舟行

陳 璜

客夢初迴聽水聲。斜風細雨過荒城。隔堤清靄波光遠。



傍岸平沙草色輕。秋欲老。月微明。薄寒誰與問卿卿。  
碧霞仙子應遲我。重與吹笙醉玉京。

游仙

馮雲驥

玉殿雲樓十二重。金沙縹緲界遙空。手攀琪樹神山上。  
坐弄珊瑚碧海中。呼白鶴。駕蒼龍。閒吹鐵笛起天風。  
遙看九點齊州小。殘日如螢墮晚紅。

爲其年題九青卷

鄒祇謨

繡被攜來愛鄂君。柳花衫子藕花裙。聽將李尉歌中曲。  
認作陳王賦裏人。偏宛轉。獨殷勤。錦衾雙夢憶宵薰。  
揚州小杜能輕薄。曾向筵前乞紫雲。

又

斷袖相思未慣經。黃姑河畔指雙星。誓如魚墨濃偏淡。  
酒到鴉啼醉復醒。須漫語。且徐聽。一聲彈做雨淋鈴。  
銅官潑墨如螺翠。更向山頭望九青。

酬李峙

錢繼章

髮短髯長看有稜。病容爰兀恠於僧。霜侵雨打尋常事。  
彷彿終南石裏藤。閒倚杖。戲臨罨。折腰久矣謝無能。  
熏風未解池亭暑。捧出新詞字字冰。

西村書屋

張逸

徑僻居然似瀼西。一椽斜抱浣花溪。庭籠高樹重重暗。



簷奏新篁恰恰齊。窗樣小，塔痕低。嬌鶯穿柳燕尋泥。  
簞清几，滑敲棋冷，竹裏班鳩自在啼。

閨思

魏學洙

輕捲珠簾試晚晴。山煙高起水波平。花多墜粉三分瘦。  
蝶并游絲一樣輕。春已去，意如醒。金錢何處卜歸程。  
黃鶯枝上休頻喚，人在遼西夢裏行。

初夏

魏學渠

荷葉如錢貼野塘。梧桐新乳晚風涼。口噙紅豆無端恨。  
手摘青梅別樣香。嫌小婢，怨檀郎。低持紈扇儘思量。  
流螢幾點墻頭過，樹影參差月半牀。

新閨

宋實穎

南浦驚鴻賦洛神。牀前銀燭照佳人。海棠乍溼胭脂雨。  
荳蔻輕翻蛺蝶春。百寶帳，縷金裙。綠楊鶯轉画堂曛。  
合歡羅勝初裁剪，低喚卿卿細不聞。

味鷓鴣

史鑑宗

何處行春不可憐。鷓鴣啼破落花天。深山古道撐枯木。  
斜日孤村上冷煙。歌蜀道，怨巴川。縱教行得也淒然。  
傷心不用頻傳語，久向江頭聽杜鵑。

喜友人過訪村齋

喬萊

僻處門無剝啄聲。故人何幸款柴荆。因山架屋苔常滿。



倒樹成橋葉尚生。新笋迸午風平。飛花誤入煮茶鐺。  
條然相對清如水。坐聽林間春鳥鳴。

無題

顧貞觀

往事驚心碧玉簫。燕猜鶯妬可憐嬌。風波亭下鴛鴦牒。  
惶恐灘頭烏鵲橋。舉恨葉摘情條。舊時睂眼舊時腰。  
相思半晌西窗月。狼籍桐花帶夢飄。

味明妃

曹鑑平

金勒鷓絃掩淚聞。玉鈎鳳嘴褪新痕。當時不入蓬婆戍。  
永巷空留環佩魂。思往事對芳尊。錦幃獨自伴燈昏。  
夢回漢殿承恩處。花閉翠恩月鎖門。

有感

張台柱

庭院無聲夜漏閒。夢中曾記遇嬋娟。霞腮薄暈消龍粉。  
玉甲輕紅染鳳仙。思玉佩在雲端。音書那得到人間。  
從來天上秋難度。誰遣姮娥住廣寒。

西湖卽事

徐鉉

似鏡湖光正可憐。六橋楊柳更含煙。朱樓窈窕迷芳榭。  
石馬淒涼冷墓田。人似玉酒如泉。朝朝攜上木蘭船。  
盡聽商婦彈紅淚。猶擲歌兒買笑錢。

離思

成德

雁帖寒雲次第飛。飄零最是柳堪悲。誰能匹馬關山道。



又到殘陽雨過時。魂黯黯思淒淒。如今悔却一枝棲。  
從將掃黛窗前月。持向今宵照別離。

小園

小構園林寂不譁。疎籬曲徑彷彿山家。春窗吟罷風流子。  
一鳥聲中日上紗。添竹石伴煙霞。擬覓樽酒慰年華。  
休言筋肉俱驚緩。嘗向東風自種花。

歌館

吳棠禎

九曲溪邊翡翠舟。春山黛色入粧樓。櫻桃香淡人雙笑。  
楊柳煙輕月一鉤。初握手再梳頭。愛他端正又風流。  
呼郎先向紅牀宿。立在燈前半日羞。

春閨

陳聞

兩小相逢心事空。郎彈玉軫妾彈棋。暗遮翠袖無人見。  
閒捉桐花有鳳知。從去後費尋思。莫教夢斷好花枝。  
請看別恨無窮處。挽盡垂楊二月絲。

醉吳氏南園乘月還家

沈爾燦

醉別名園落日西。蒲帆漾月画橋低。青溪如夢剛剛到。  
紅燭迎人慢慢移。殘露冷曙烏棲。朦朧還問夜何其。  
侍兒爲拂蒙頭雪。知在梨花小徑歸。

有贈

諸匡鼎

人住紅橋第幾家。春風終日掩窗紗。池邊共宿鴛鴦鳥。



瑤華集卷四  
三十四  
墻內新開姊妹花。 省黛斂髻雲斜。 玉弓恰喜繡裙遮。  
勝常道罷無言語。 曲曲銀屏照晚霞。

聞雁

路念祖

木落風高草欲枯。 漸將霜雪點頭顛。 夜深更聽無情雨。  
暗逐孤鴻下瀟湖。 傾濁酒撚吟鬚。 江南塞北漫躊躇。  
愁來愁與天俱老。 不唱鷓鴣唱鷓鴣。

小鬟

張雲錦

一縷輕綃束杏衫。 小鬟十五太驕憨。 尊前催拍燒紅燭。  
花下窺人避彩蟾。 心上事可能諳。 往來應自別猜嫌。  
知伊解識東風苦。 落盡梨花不捲簾。

無題

方 炳

玉臂胭脂繫絳紗。 驪駒一曲不思家。 晝長愛學三更枕。  
夜靜羞看百合花。 春已老。 月將斜。 行雲無夢到天涯。  
夢中識路知何益。 流水孤村只暮鴉。

河傳 第十體

四寶帳

宗元鼎

花飈風斂。 冰綃煙閃。 夜光螢點。 香烘玉簟。 誰若韓娥姿。  
豔隔幃芳映臉。 東都天子江南客。 河山隔。 銀兔當樓。  
白。 秋已歸。 春又歸。 清暉輕魂帶夢飛。

玉闌干



本意

朱彝尊

玉闌干外秋蛩語。一架荳花清露。蘭湯浴罷納新涼。攜  
纖手夜深爾汝。綠窗人遠紗空護。網暗塵蛛絲無數。  
舊時梁燕也驚心。一回來却又飛去。

與朱義公話舊

何淇

烏衣門第蕭然在。舊事而今都改。王孫落拓竟何依。又  
翻作屠沽朱亥。十年如夢心情憊。念君家飄零不耐。  
丈夫有志豈長貧。且莫自暗傷老大。

河傳 第十一體

游絲

陸求可

春霽清美。望晴空。千丈高高趁風。林花飄起滿天紅。相  
逢相牽過苑東。當路有時飛不得。紫醉客。脉脉畱春  
色。向深閨。閨婦悲。郎歸。繫他雙馬蹄。

無題

錢芳標

南浦薄暮。水煙微。女伴湔裙未歸。野棠風多紅漸稀。飛  
飛。故沾金縷衣。惆悵行人斷消息。淚暗拭。妬殺雙鴛  
翼。赤闌橋。碧柳條。蘭橈來須趁晚潮。

春暮

成德

春暮如霧掩雙環。語影花間晝閑。背人偷將紅淚彈。闌  
珊香消輕夢還。斜倚画屏思往事。皆不是。空作相思



字記當時。垂柳絲。花枝滿庭蝴蝶兒。

聽鶯 集唐

朱彝尊

花片

張南史

深淺

全

半山晴

皎然

落日殷勤早鶯

周

楚歌吳

語嬌不成

李白

多情

劉禹錫

時時聽一聲

白居易

偶值門開

暫相逐

元稹

聲斷續

盧全

過盡重重屋

白居易

臨高臺

王勃

重徘徊

徊酌來

清畫名

留君醉一杯

戴叔倫

金鳳鈞

無題

孫暘

紅酥臉波如醉。日亭午。梳頭還未。三春情況幾般心事。盡在睂尖眼尾。繡牀拋却殘針。界杏腮兩條粉淚。

見人佯走弓鞦欲褪笑入碧桃花底。

河傳 第十二體

丹陽宮

宗元鼎

欲去。何處襟吳帶楚。情作江流淚成江雨。記得桃葉波前。青溪擁戰船。癡情每向繁華結。江都別。風景長干絕。想後庭玉樹較繡瓦春風。更誰同。丹陽卽建業也。煬帝築宮于此不果遷。



瑶華集卷五

翻香令 一首

玉樓春 十首

虞美人 第一體 二十四首

夜行船 二首

天台宴 二首

春去也 一首

瑞鷓鴣 二首

步蟾宮 四首

明月棹孤舟 一首

雨中花 第三體 二首

鵲橋仙 十八首

南鄉子 蘇子瞻體 二十首

醉落魄 二首

虞美人 第二體 二首

臨江仙 晏小山體 二首

後庭宴 一首

小重山 十七首

惜分釵 一首



踏莎行

十六首

臨江仙

李後主體  
八首

繫裙腰

一首

翻香令

燒香曲感舊

錢芳標

綈函牢合鷓鴣斑。殷勤曾索綠雲間。重開檢人何處對  
金鳧。不忍便燒殘。雙心一氣本相關。那知荀令損韶  
顏。營齋日。招魂夜。只畱薰小像。挂屏山。

玉樓春

暮秋獨步

杜濬

事去英雄多少恨。頭雪慵除盈一寸。杖藜獨步過溪橋  
生受漁翁來問訊。瑟瑟西風寒遞信。惟底青旗吹不  
正。橙黃橘綠白雲天。秋到好時秋又盡。

春閨

施紹莘

平明一陣斜風雨。蘸地朱簾深幾許。花拚薄命謝娘嬌  
燕訴新愁。閩客語。游絲蕩漾春容與。蝶試黃衣魂栩栩。滿牀飛絮。拂還來。脉脉却隨輕夢去。

前題

梁清標

燒殘魚尾。凝粧坐。懶把蠻牋催曉課。研羅裙子。蝶鬚牽  
玉燕。釵梁花刺墮。香泥小步苔痕破。報道春歸。睂暗  
鎖。繡窗兒。女太憨。生手弄櫻桃。紅數顆。



味燕

宋徵輿

離梁画棟原無數。不問主人隨意住。紅襟惹盡百花香。翠尾掃開三月雨。半年別我歸何處。相見如將離恨訴。海棠枝上立多時。飛向小橋西畔去。

春晚

沈豐垣

韶光九十今餘幾。坊曲惜惜飛燕子。獨憐春草不成花。看盡晚雲都做水。綠江千里魚沉字。末日香消鸞幙閉。鏡中不見舞鸞人。試問東風多少淚。

春恨

湯豹處

人在鬱金堂上。任簾幙影交連。理樹玉盆薇露淨如空。寶鼎蘭煙濃似霧。薄倖不來春欲暮。情託子規聲裏訴。個儂清減似梨花。香雪一枝嬌帶露。

春日

董漢策

雨餘無賴春雲闊。燕舞晴空花氣咽。道人晏坐小窗寒。天外青山剛一抹。三眠柳醉春風滑。恰似多情方二人。晝長無事愛春光。更愛朦朧春夜月。

秋思

錢德震

白蘋洲上西風切。睡起登樓羅袖怯。斷浦空爭落葉飛。斜陽尚抱寒蟬咽。青山無奈輕離別。如此秋聲難乍歇。采菱歌散玉人歸。波冷洞庭今夜月。



感舊

史惟圓

青山碧澗嬌歌舞。香撲春缸浮綠醕。桃花似笑柳如顰。蠟燭能啼絃解語。重來草沒曾行處。却倚閒窗愁聽雨。淡煙輕靄一年年。併作今宵相憶苦。

春雨

狄億

溟濛煙鎖垂楊線。趁雨新鶯聲睨睨。画閣餘寒掩寂寥。縈塔軟翠平如剪。可惜落花春不管。惹得花神紅淚濺。天公又見巧安排。一朝勻盡臙脂面。

虞美人

第一體

鏡

陳子龍

碧闌囊鏡粧臺曉。冷冷相看老。剪來一寸小青波。容得許多憔悴暗消磨。海棠一夜輕紅倦。何事教重見。數行珠淚倩他流。莫道無情物也替人愁。

味春雨

李雯

廉纖斷送荼蘼架。衣潤籠香罷。鷓鴣啼處不開門。生怕落花時候近黃昏。豔陽慣被東君妬。吹雨無朝暮。絲只欲傷粧樓。却作一江紅淚滿金篝。

惜春

蜂黃蝶粉依然在。無奈春風改。小窗微切玉玲瓏。千里行塵不惜牡丹紅。西陵松柏知何處。目斷金椎路。無



端花絮上簾鉤。飛下一天春恨滿皇州。

風情

宋徵輿

無星無月無風夜。香露襟前瀉。瓊窗寶帳兩重重。忽透  
明燈一線玉顏紅。嬌花弄影愁經雨。怯盡當春舞。五  
更不語吐幽蘭。此際雲深巫峽幾時還。

古意

吳亮中

落紅滿地堆成積。自起開簾拾。一花一蒂尙分飛。何況  
與君原是兩家兒。天涯海角何須歎。且作同枝看。心  
同何處不相同。只莫同花各辦自西東。

春恨

丁澎

蕪香人去金猊冷。翠掩屏山影。合歡一夜滿庭開。蝴蝶  
不知人恨却飛來。片時枕上春勾引。已是消魂盡。夢  
回畱得幾多魂。又被姊歸催去二三分。

怨情

池中萍漾池邊柳。相映春光逗。與郎一處誓同生。除是  
郎爲柳絮妾爲萍。萍根本是楊花結。不比閑枝葉。儂  
拚水面作萍花。只恐郎爲柳絮又天涯。

重九

狄敬

白雲飛盡天凝碧。一抹秋煙跡。風光客裏奈重陽。爲問  
蓼花楓葉爲誰妝。片帆影逐賓鴻逝。冷落京華思。離



人莫更倚危樓。恐惹江南江北一天愁。

春晚

沈際飛

堦前嬾綠和愁長。坐憶眠還想。飛紅破夢似相憐。起望  
小林殘萼損容顏。雙鶯又向愁人絮。春也知歸去。個  
人只是不思家。生却楊花心性落天涯。

題宋宮人墓

陳孝逸

春風夜月年年度。暗識香魂處。臙脂幸免葬龍沙。此日  
行人指點玉鈞斜。梨花寒食應悽切。哭盡昭儀血。羅  
裙一色綉春蕪。爭似六陵無樹可棲烏。

感舊

蔣平階

白榆關外吹蘆葉。千里長安月。新粧馬上內家人。猶抱  
琵琶學唱漢宮春。飛花又逐江南路。日晚桑乾渡。天  
津河水接天流。回首十三陵上暮雲愁。

夏日晚步

顧琦坊

池塘處處連蛙鼓。雨散傳涼午。小鶯啼溼綠陰中。明滅  
亂流千頃夕陽紅。炊煙樹裏人家出。釣艇溪頭入。画  
橋斜對是高樓。忽地有人和笑下簾鉤。

記事

曹湖

夢中猶記春如昨。一片花將落。殘紅且莫怨黃鸝。閒弄  
枝頭微雨不曾啼。珠簾半捲閒庭榭。人在珠簾下。玉



爐香冷意遲遲。可惜斷腸詩句，没人知。

卜園早梅

姜實節

雷塘煙水玻璃闊，遠樹昏如抹。芒鞋踏破夕陽紅，爲愛  
卜家園，樹過橋東。江潭十月霜紋縐，春信梅先透。朦  
朧牆角一枝斜，知是香痕初綻白些些。

雨夜

宋大麓

真珠萬點隨風起，滴碎芭蕉裏。一重簾幙一重愁，又是  
紗窗香散悄寒收。情人常傍高樓立，樓下榴花溼。可  
憐幽夢爲誰長，記得挑燈細語自思量。

無題

張淵懿

繡窗燈畔人微醉，香浸雙鴛被。旋臨寶鏡卸花鈿，今夜  
月明三五見嬋娟。玉纖暗下水綃幌，聲落銀鈎響。回  
眸含笑問檀郎，却道芙蓉一朵隔秋江。

看花

李天馥

看花只看花初放，繞樹春光漾。看花急看盛開時，正是  
東君着意護嬌姿。看花莫看花將謝，憔悴香魂也。隨  
風趁蝶惹輕煙，粧點一堦紅雨使人憐。

感懷

朱爾邁

春風吹起愁無數，南北東西路。無因零落笑殘花，楚館  
吳宮何處問繁華。銅駝荆棘寒煙裏，故國畱殘壘。至



今江上月如鈎。長挂無邊遺恨照高樓。

酒邊

宋 犖

橫波剪得吳江影。髮覆蝤蛸領。文茵初上臉微紅。恰聽  
雛鶯羞澁。唳東風。輕盈擬倩遊絲惹。畱住春光也。暖  
香豔雪綺筵邊。好個朦朧煙月斷腸天。

春霧

楊大鶴

一天都是愁人夢。無計輕相送。落花村外又東風。偏只  
亂他深淺。一重重。重重遮斷行人路。不見春將暮。繞  
溪空翠溼晴沙。兩兩鴛鴦飛去失天涯。

晚粧

柳 葵

啼殘香夢鶯無賴。紅玉痕猶在。起來無力倚粧樓。偏恠  
雙鬟不任喚梳頭。蛇蟠新樣青絲膩。拂拂香風細。蜻  
蜓裊裊上金釵。剩却遠山眉黛等郎來。

咏史

黃家舒

繁華舊蹟餘金粉。最惜殘香燼。一般惆悵夜啼烏。消得  
幾絲煙篆博山爐。江南江北愁相續。爭唱無愁曲。黑  
頭家令答紅箋。不記臨春花月是何年。

姝麗

吳 淵

手垂雙釧釵橫玉。年小風流足。苧蘿春暖有誰知。獨自  
燈前月下與花時。碧尖未画天生遠。波眼情初轉。嬌



羞那慣立人前。解得相思凝睇，只無言。

秋宮怨仿一至十體

閨秀 葉小純

一簾秋色供憔悴。晝靜人無二。玉虬清漏又三更。四望  
昭陽何處五雲橫。六銖衣薄寒生早。七月砧先擣。看  
顰八字鏡中羞。最是九秋蕭瑟十分愁。

夜行船

黃河岸月下野泊

徐 鉞

金盤堆起涼天碧。撫澄鮮、夜眠難得。百頃黃蘆千條濁  
浪。人在柁樓吹笛。月苦沙清露又白。恍逢撾鼓驚濤  
立。玉臂乍寒。清輝獨冷。應念天涯孤客。

江村卽事

陳維岳

一葉漁舟煙浪外。臥窗窺芙蓉姿態。橘柚偏香鱸魚正  
美。八月秋光誰買。歲歲看山長好在。小橋邊、箇人看  
黛。欹笠吹簫。提壺沽酒。摘朶桂花先戴。

天台宴

催粧

蔣平階

晚雲低映桃花路。雲外雙輅度。春風一派玉塵涼。吹爾  
落瑤房。是仙鄉。漫綰綢繆縷。結下同心苒。覩人惟覺  
黛蛾長。認得蓬山深處舊鸞凰。好思量。

又



煖香荏苒爭春館。臺鏡菱花展。松芽如黛柳如煙。却月  
又連蟬。得人憐。照面花叢立。百花應太息。迴風歌罷  
髻雲偏。撚却留仙裙子漫俄延。莫昇天。

春去也

本意

儲右文

恰輕寒乍離情況。初試清和着意將他釀。一朝枝上杜  
鵑啼。麥雨葵風春又在。縱有画屏難障。滿地落紅誰  
葬。已知拋却惜花人。無聊只向東風想。

瑞鷓鴣

懷仙

顧潛

香飄金屋篆煙清。戴叔倫瘦去誰憐舞掌輕。韓偓豔骨已成

蘭麝土。皮日休丹書應換藥宮名。王貞白寧知玉樹後庭

曲。溫庭筠多似霓裳散序聲。白居易重上鳳樓追故事。李頻水

流花謝兩無情。崔塗

又

玉筍闌干界粉腮。劉兼霧綃雲縠稱身裁。羅虬花應洞裏常

時發。韓偓水到人間定不回。曹唐愁態自隨風燭滅。李紳離

筵只惜暝鐘催。錢起會須攜手乘鸞去。趙嘏且作行雲入夢

來。包何

步蟾宮



秋意

曹爾堪

木樨香吐金英細。碧水畔金風如洗。高樓一夜對嬋娟。髮髯在廣寒宮裏。疎風淡漠無纖膩。坐漸覺露華微泚。頰桐葉底鬪鶴鶉。空攪亂花陰滿地。

端溪觀采硯

朱彝尊

蒼山暗束寒江轉。問巖穴探時深淺。不妨篝火夜連朝。好割取溪雲一半。疎疎嬾葉青花遍。比割却羊肝更軟。看來只合寄情人。已早有相思淚眼。

代州伎

小字白狗晨在曲中訪之不值戲投以詞

疎簾日影纔鋪地。却早被金鈴喚起。朝雲一片出巫山。盼不到黃牛峽裏。仙源乍入重門閉。任閒煞桃花春水。劉郎去了。阮郎歸。算只有相如伴你。相如小字犬子

席上和錫鬯

沈岸登

雪花未淨侵堦滑。奈小小鴉頭羅襪。惱人三五月朦朧。數不定風鬟十八。歌闌纔把觥籌撒。聽去也一聲愁煞。樽前相對且無言。又那得相思書札。

明月棹孤舟

海淀

成德

一片亭亭空凝佇。趁西風霓裳徧舞。白鳥驚飛菰蒲葉。亂斷續浣紗人語。丹碧駁殘秋夜雨。風吹去採菱越



女。輓轡聲斷昏鴉欲起。多少博山情緒。

雨中花 第三體

味美人剖蓮

趙進美

百尺寒泉清午暑。喜色映銀盤。堪數看。緜蒂纔分碧房。  
初破紅甲擎冰乳。微動金環。嬌不語。剩嫩蕙幾絲青。  
縷。試戲取郎嗔。回眸一笑。應識中心苦。

春暮

張台柱

寒食清明三月暮。正日末香消篆縷。奈酒醒餘酣夢回。  
猶睡怕聽流鶯語。鎮日東風吹柳絮。偏惱得透簾穿。  
戶。但錦帳圍花紅窗鎖。燕任你春歸去。

鵲橋仙

夜景

吳偉業

園林晚霽池塘新漲。明月窺人縹緲。千章夏木劇陰森。  
驚噪起一群山鳥。纖雲暗度銀河斜轉。露溼桂花香。  
悄。少年此夜不須眠。把鐵笛橫吹到曉。

樓晤

龔鼎孳

紅牋記注香糜勻染。生受綠蛾初画。挑琴擘阮太多能。  
自寫影養花風下。月低金管帶飄珠。席兩好心情難。  
罷。芳時不慣是烏啼。願一世小年爲夜。

七夕集稻香樓

袁于令



瑶空爲幕銀河爲檻。一望秋光無際。伊誰長笛起樓西。  
正笑語忽生幽意。飛廬載酒清波擊。擢來往玉維画  
裏。輕綃玉臂晚風吹。莫辨是衣香荷氣。

清明

彭孫遹

煙蕪瀉浪晴川鋪練。一陣風來吹皺。韶光百五禁煙時。  
又過了幾番花候。天桃染暈垂楊。添線萬點春光洩。  
漏口噉紅豆。寄多情爲誰把相思嘗透。

前題

董俞

鶯聲似曲花光如醉。玉漱波紋微皺。亂煙苦雨近黃昏。  
又醞釀清明時候。迢迢歡夢厭厭酒病。小院生殘銀  
漏。情知薄倖不歸來。猶自把綉衾薰透。

無題

顧貞觀

淚黏春住香吹夢。醒提起舊時根節。画船絲柳綺窗花。  
整一幅斷腸圖揭。彩雲易散。銀河難渡。青鬢莫教催  
雪。來生慧業恐生天。又負却人間風月。

喻風

沈謙

柳腰全困花頭半。坼迤邐春光如綉。東風快似剪刀兒。  
把淡綠深紅簇就。流鶯攪睡。清絲繫恨。正是消魂時  
候。慢將金斗比東風。熨不醒兩眉長皺。

早梅



粉英微坼檀痕尙淺迤邐因香尋着一枝偷采雪中春  
敢鶯燕全然未覺。銀瓶水煖翠鬟手膩又把軟簾垂  
却溪橋煙冷月初斜怎消受五更寒角。

春恨

黃鶯不語綠陰漸滿猶見蝶翻金翅半林斜日捲簾櫳  
生怕惹輕寒着體。慵拈翠管惟親珊枕病裏思君如  
水春蠶春柳本無情也學我三眠三起。

閏七夕

瓊雲乍卷金風漸冷誰把鵲橋重駕玉人攜手隔簾看  
堆霧鬢晚粧初卸。更深滅燭涼生却扇咫尺明河欲  
下闌干私語告檀郎總輸你朝朝夜夜。

乍歸

吳棠禎

羊燈懸屋鳳絃彈月十二珠樓香軟無端枕上病魂多  
幼小個相思不慣。粉簾纔捲画船剛到拋下玉爐金  
剪隨君細問懶回頭指井上落紅教看。

無題

朱彝尊

湔裙休去踏青休去招手再三來麼相思別後總徒然  
且伴我日長同坐。當壚也許浮家也許人道天斜真  
箇簸錢鬪草已都輸問持底今宵償我。

又



橫汾清濟十年舊事祇恨玉鞭歸暮碧桃先自笑春風  
全不待社公新雨。章臺柳漢南移種憐取柔條最  
苦游絲無力強天斜萬一把飛花黏住。

席上贈張伴月

吳歌白紵吳衫白紵只愛吳中梳裹十年四度到京華  
纔一霎樽前同坐。秋娘聲價秦娘聲價風韻當年須  
過迢迢明月碧羅天誰伴取張星一箇。

咏鞋

湖菱烏角渚蓮紅瓣不比幫兒還瘦拈來直是小航船  
只合借燈前行酒。春陽花底春泥陌上最好踏青時  
候假饒無意把人看又何用明金壓繡。

秋夜

成德

月華如水波紋似練幾簇淡煙衰柳塞鴻一夜盡南飛  
誰與問倚樓人瘦。韻拈風絮錄成金石不是舞裙歌  
袖從前負盡掃眉才又擔閣鏡囊重繡。

春閨

俞士彪

落梅千點溼雲萬葉欲問韶華何處羅襟漬淚不曾乾  
怎恁得春來多雨。芳尊酒冷瑤琴塵積便有心情難  
訴怕他柳眼慣窺人不敢向小亭閒步。

小閣

錢曾



輕勻粉面斜梳蟬髻。小閣粧成獨坐。東風幾陣蕩簾鈎。  
花無數。楊花飛過。閒庭草綠紗窗人靜。只有燕兒和我。  
暗將春恨數。從頭恰恰被鶯聲啼破。

南鄉子

蘇子瞻體

春寒

陳子龍

小院雨初殘。一半春風繡幕間。強向玉梅花下走珊珊。  
飛雪輕狂點翠鬟。淡月滿闌干。添上羅衣扣幾番。今  
夜西樓寒欲透。紅顏黛色平分凍兩山。

贈人

曹溶

私語解紅潮。重趁花船問板橋。賽社燒燈迴舞袖相招。  
認得韋娘舊日腰。無力鬪妖嬈。踏月雙吟倒翠翹。絮  
裊不禁蝴蝶性。飄颻陌上逢人贈柳條。

訪傅山人

淚點爲誰紅。曾踏天街柳絮風。執手春莊春恨晚冥濛。  
倦向河山數晉宮。逃世轉情濃。破衲閒披罽栗中。說  
是道人終不信。英雄白髮難令酒榼空。

贈徐電發

古寺客儵然。誰遞鱸香到枕邊。無限紅情歸錦字爭妍。  
蕭九娘家聽冷泉。官閣疊花氈。四壁名山夜不眠。已  
倩東風吹夢去。春前叱撥驕嘶御柳煙。



新浴

吳偉業

皓腕約金環。豔質生香浸玉盤。曲曲屏山燈近遠。偷看。一樹梨花露未乾。扶起骨珊珊。裙衩風來怯是單。背立梧桐貪避影。更闌。月轉迴廊半臂寒。

春暮

梁清標

深院雨廉纖。燕子飛來故傍檐。清晝困人無氣力。酣酣。淺暈腮痕印枕函。新樣剪輕衫。獨坐凝粧倚鏡奩。聞道春風將暮也。厭厭。開盡桃花不捲簾。

子閑連納雙姬

錢繼章

茉莉晚涼天。角枕橫施壓鬢蟬。郎似西陵潮有信。誰先。妾似初生月半弦。旖旎若爲憐。不辨巫峰與雒川。妾似芙蓉花上露。誰妍。郎似荷珠到處圓。

秋閨

杜濬

記得藕花新。香汗微微印簾紋。一別光陰今幾許。秋分。月照空牀半枕魂。霜雁不堪聞。簾幙中間菊又芬。菊不似人人似菊。傷神。菊瘦何曾爲憶人。

村行

許孫荃

迢遞水爲鄉。目送西風稻粒黃。萬派野煙歸柳綠。殘陽。白露迎人過草塘。暝色入衫涼。長板橋頭客思長。一抹秋光相引處。幽香。荷葉荷花滿路傍。



秋夜

王令

月色滿庭梧。落葉蕭蕭聽有無。應是空房簾未捲。糊塗。雁唳砧聲問小奴。獨自展鴛繡。爭奈香銷影又孤。欲向花陰尋酒伴。支吾。夜靜更闌不可沽。

憶潁尾櫻桃之盛悼蒲庵考功 李良年

風驟小篷偏。淮雨吹花恰半船。憶訪故人清潁尾。齋前。臥看珊瑚不著簾。畱摘身銜邊。細寫勻紅壓醖圓。飽食令君顏色好。空傳。賸得新詞唱翠鉤。

孤舟

成德

風煖霽難收。燕子歸時小院幽。摘得一雙紅豆子。低頭。憶着分攜淚暗流。人去似春休。別酒曾將醉石尤。惆悵空江煙浪裏。孤舟。一種相思各自愁。

臺城晚眺

周在浚

縱步且閒游。禾黍離離滿目秋。玄武湖中風浪起。颼颼。虎踞龍盤一夕休。江水不知愁。猶自滔滔日夜流。更有無情天畔月。悠悠。曾照降幡出石頭。

感懷

李焯

談笑解吳鉤。客滿西園花滿洲。記得河橋分手路。悠悠。哀笛山陽幾度秋。灑淚向神州。極浦遙天不盡愁。花月春江渾似夢。休休。老作人間馬少游。



除夕懷弟緯雲

陳維嶠

翠燭坐更闌。柏葉傳觴強自寬。繞柱騰騰思阿緯。燕關。三度梅花未共看。何必錦衣還。竹杖荷裳好是閒。大有故園兄弟在。盤桓。雪後煙簑雨後山。

秋思

曹亮武

頽淡夕陽煙。一片砧聲咽暮蟬。此夜銷魂無限意。誰傳。只聽三條指上絃。小立綺窗前。不信東鄰是洛川。人比海棠花帶露。還妍。惆悵空庭月未圓。

吳市編菊為籃戲味

李珍

霜蕊傲殘時。誰向東籬採數枝。編就菊籃還插菊。依稀。秋水長天一樣奇。細蹙縷金絲。點點繁星代素蕤。盡道芙蓉誇竝蒂。如斯。花裏花開蝶也迷。

春暮

釋原詰

新水漲晴川。脉脉春寒叫杜鵑。幾陣飛花紅似雨。門前。沾酒曾同夜泊船。風景恰依然。柳暗旗亭鎖翠煙。今日獨來橋上立。愁牽。兩地東風薄暮天。

和秦表妹

閨秀顧氏

雨歇滯江城。歸夢初醒問水程。画舫自維衰柳下。堪憎。幾樹鴉啼不住聲。極目亂雲橫。恰似離愁次第生。纔到故鄉悲作客。松陵。歲暮棲遲人再經。



夏雨

賀 潔

炎退暑俄收。枕簟涼生未是秋。珠滾荷盤圓復碎。都流翠蓋斜翻。露白鷗。萍葉傍階浮。玉尺拋梭。唳水漚。女伴閒呼消未晝。拋鉤笑倚軒窗。作釣舟。

醉落魄

春閨風雨

宋徵輿

無人到處。未開紅杏先飄墜。遠煙着樹生千縷。掩映窗紗。不見相思路。落花難向金溝住。一江紅淚流將去。鷓鴣聲惡催天暮。料得黃昏枕底愁無數。

讀天寶遺事

王士禛

風流堪惜。沉香亭下雙鸞。長生殿裏如膠漆。別院梨花偷試。寧王笛。漁陽戰鼓驚相逼。馬嵬古驛羅衫溼。秋槐落盡空凝碧。殘月華清何處人行跡。

虞美人 第二體

風情

夏完淳

花枝不動流鶯語。寂寂春如許。闌干十二月濛濛。凌波襪窄繡鞋弓。夢魂中。朝霞忽照紗窗上。人起青綃帳。送君還過画欄東。落花如雨一池紅。五更風。

豔情

金是瀛

沉香熏罷垂羅幌。月在青苔上。玉人添線繡鴛鴦。簾櫳



夜半遠燈光。透微茫。醉來偷步紅軒下。滿架花相亞。此時何計展殷勤。謝家池館鎖深春。見無因。

臨江仙 晏小山體

無題

朱彝尊

寒水籬根二尺。莫愁艇子能容。纖纖細步到房櫳。青蛾勻黛淺粉。拂掠雲鬆。憶食憶眠。憶坐。好春長定相逢。侍兒一一小名重。卷衣張。任任滅燭。許冬冬。

春閨

藥甲齊開更斂。柳綿欲起還沉。一春閒望費愁吟。酒旗風着力。花事雨驚心。巷小。獨兒不吠。樓高。燕子難尋。

薰爐小篆。疊重衾。綠陰猶未滿。庭院已深深。

後庭宴

咏蜂

沈謙

日晚開窗。風暄游閣。檀痕膩。嘴紅沾腳。貪春何故。更防春藏針。暗裏無人覺。園林取次。花殘裊裊。細腰難托。欲諱幽情。無奈落。還記舊衣香。繞過秋千索。

小重山

重至金陵

龔鼎孳

長板橋頭碧浪柔。幾年江表夢。恰同游。雙蘭又放小簾鉤。流鶯熟。喚一低頭。花落後庭秋。蔣陵煙樹下。有



人愁。玉簫凭倚。賸風流。身衣燕飛入舊紅樓。

憶昔

陳子龍

曉日重簾挂玉鈎。鳳凰臺上客憶同遊。笙歌如夢倚無愁。長江水偏自愛東流。荒草思悠悠。宮花飛不盡。覆芳洲。臨春非復舊粧樓。樓頭月波上對揚州。

寒食

梁清標

春水溶溶寒食天。王孫芳草綠上風鳶。深閨簾幙玉鈎閒。人何在。一半仿鞦韆。堤外打榆錢。酒旗頻駐馬。杏花煙。鶯聲轉出畫樓前。牢記取。年少有金丸。

寫懷

李雯

上苑苔侵臨砌花。杏梁新燕子。屬誰家。曉風吹破碧窗紗。丁香結。憔悴過韶華。有夢寄天涯。海棠開徧了。月痕斜。三春清淚落鳴笳。愁如海。不着踏青鞋。

憶昔

宋徵輿

春流半繞鳳凰臺。十年花月夜。沉金杯。玉簫嗚咽畫船開。清風起。移棹上秦淮。客夢五更回。清砧吟塞雁。渡江來。景陽碧井斷蒼苔。無人處。秋雨落宮槐。

無題

王士禛

曾看新粧曉鏡前。別來悵甚不成眠。此情不擬有人憐。愁裊裊。空似獸鑪煙。辜負月娟娟。梅花如有意。落



紅鈿東風輕軟到秋千。遙相憶。微倦夕陽天。

閨情

李天馥

樓掩瀟湘紅網間。芙蓉金屈戌。錦交關。黃星屬躡夕陽山。臨晚鏡。無計避孤鸞。綵繖石榴斑。銀泥蝴蝶小。玉弓寒。香堦偶立不知還。徘徊久。端爲出來難。

金陵懷古

尤侗

依舊青山繞建康。南朝佳麗地。草茫茫。景陽脂井冷銀牀。秦淮月猶照故宮墻。弔古石頭岡。大江流日夜。幾興亾。雞籠鼠雀滿祠堂。君休問。策蹇下斜陽。

夜繡

高曜

風定湘簾樺燭齊。按繁還理繡夜淒其。香肩微蹙翠蛾低。交枝上小鳥正雙棲。河淡月沉西。弄文剛織就。又重題。欲箋情事恐人知。停針處。一一寄相思。

金陵題酒家壁

王屋

門驅欵段入通都。大中橋直下。遇當壚。停車試問酒家胡。投鞭飲爲我打雙壺。筓鼓下鮮鱸。金陵風物美。似東吳。銜杯欲醉悵無徒。斜陽裏。不語視昆吾。

金陵

鄧漢儀

淮水橫拖桺線柔。曾聞簫鼓夜美人游。一從好事斷香鈎。西窗月不肯勸梳頭。黃雨更深秋。怎禁桐葉下。一



更愁寒潮依舊繞城流。無人處私倚閱江樓。

宮怨

吳棠禎

鳳袷龍綃秋夜長。西宮銅漏靜。幸君王。羊車不肯到長廊。珠簾內。紅蠟晃空牀。昨夜唱伊涼。內人齊賜出辟寒香。犀梳斜插未成粧。梧桐月只去近昭陽。

閨憶

錢芳標

紅板橋西亞字墻。玉驄嘶過處。已斜陽。小樓簾捲倚濃粧。金條脫。纖手弄垂楊。一晌立徬徨。明知留不得。意難忘。画闌咫尺是仙鄉。垂鞭去。人遠落花狂。

懷敘彝上人

姚景崇

翠壁青藤白板扉。山南棲隱處。晚煙迷。年來頻訪遠公蹊。清譚久。松下露沾衣。一別幾多時。蕭疎黃葉墜。動離思。囊中檢得舊題詩。人何在。宛在水之湄。

冬日卽景

岳驥

古寺寒林綴晚鷗。南溪排雁陣。下平沙。牛羊歸去夕陽斜。漁歌緩。短棹沒蘆花。沽酒到西家。朔風初作雪。暈微霞。忽聞商女撥琵琶。含情望江上。暮雲遮。

秋夜夢登虎丘莫釐諸峰

釋宏倫

秋染吳山入夢邊。闔閭埋玉處。第三泉。可中亭上月初圓。僧梵放。花雨散諸天。鶴背記遊仙。洞庭催落木。水



如煙浣紗人去五湖船。長留恨七十二峰前。

初夏

閩秀 嚴會村

開盡薔薇春已休。纍纍青杏子。綴枝頭。閒庭風漾柳絲柔。鸚哥睡歸燕響簾鉤。獨自上高樓。迷離煙雨外。遠山浮。爐灰強撥坐忘憂。長日靜。六幅畫屏幽。

惜分釵

偶感

閩秀 徐燦

移春檻。芳菲黯。味絮才情渾欲減。記江南。熟吳蠶。芍藥開時。花滿澄潭。探探。身長汎。花相賺。新來漸把閑愁懺。夢魂甘。是煙嵐。西子湖頭。結箇花龕。叅叅。

踏莎行

閨怨

曹溶

花陣凝脂釵場築玉。蘭膏銜照彈棋局。白家蠻柳不勝情。寒雞昨夜江州宿。珊步移紅。霓裳換綠。腰肢新樣嬌難束。故鄉同在月明中。笛聲漸遠朱闌曲。

答客問雲中

堠雪翻鴉城冰浴馬。搗衣聲裏重門閉。琵琶忽送短牆西。當時不是無情地。帳底燒春樓頭熱酒。百錢便博征夫醉。寒原望斷少花枝。臨風也省看花淚。

送春

龔鼎孳



亂綠迷煙。殘英墜雨。東風不肯留春住。問春尙未到天  
涯。玉驄只索花邊去。羅襪凝春紅茵沾絮。春歸料是  
春來處。黃鸝強要訴花愁。夕陽催上相思樹。

暮春

梁清標

鶯轉林梢。蝶沾粉絮。押簾銀蒜牽蛛縷。鴛鴦慢揭鬱金  
寒。秋千索挂東風暮。綠暗西園。雁沉南浦。檀郎驕馬  
知何處。章臺街裏片花飛。紅粉樓中三月雨。

冬懷

李昌垣

翠幕煙沉。珠簾月小。枝頭未雪梅開早。凭闌無計遣新  
愁。亂鴉飛盡歸鴻杳。霜杵敲寒。風燈破曉。漏聲滴盡  
鐘聲悄。香殘酒醒不成眠。流蘇好夢天涯少。

春寒閨恨

宋徵輿

錦幔銷香。翠屏生雨。粧成漫倚紗窗住。一雙青雀到空  
庭。梅花自落無人處。回首天涯。歸期又誤。羅衣不耐  
東風舞。垂楊枝上月華生。可憐獨上銀牀去。

春閨

王庭

曲徑迷苔。小池明練。春風誤入深深院。飛來多半是桃  
花。却教相見羞人面。怨徹銀箏。香銷金鈿。画梁故故  
飛雙燕。愁時只是倚樓看闌干。一相思遍。

醉後作

王士禎



屈子離騷史公貨殖。直須一石。惜騰醉。胸中五嶽不能  
平。何人解識狂奴意。脩竹彈文。綠章封事。聊將筆墨  
供遊戲。茂陵若問馬卿才。飄飄大有凌雲氣。

味鏡

香壓彤奩。光迎羅幌。圓水背結蟠螭樣。一泓春水碧如  
煙。誰教移向粧臺上。脉脉相看。盈盈難傍。影娥池畔  
凭闌望。粧成雙鏡。焰明簾芙蓉。竝蒂波間漾。

春望

董俞

柳陌飄綿。梨園糝雪。紅亭綠酒人離別。春光不是別離  
時。別離偏向春時節。舊夢無痕。新愁似結。亂鴉啼處  
山千疊。漁燈點點。隔江明蘋絲。帶雨波聲咽。

尋春郊外

沈爾燦

密柳鶯梭。殘花燕壘。春將去也。畱無計。市橋新綠漸黏  
天。山樓遠翠看垂地。遲日關心。尋芳得意。杖藜到處  
隨遊戲。東風寒食。最消魂。夕陽古寺紅牆閉。

憶舊

吳棠禎

梅子微黃。燕兒初乳。懷人未敢窺朱戶。當年花底別蕭  
娘。落紅一片愁無數。小閣寒燈。画屏疎雨。夢魂昨夜  
飛何處。空將春恨付春江。春江不帶相思去。

廣陵懷古



瓜步潮飛蒜山雲疊。一帆遠挂江門雪。青樓燈火照揚  
州。花開醉酒香塵滅。鳳翔歌空龍車香歇。蕪城草綠  
飛蝴蝶。隋家楊柳泣黃昏。玉簫留下紅橋月。

咏燕

鈕琇

剪剪春風蕭蕭社雨。一生直恁長羈旅。画梁綉幙屬他  
人。傍人門戶終憐汝。柳絮池塘梨花院宇。韶光半爲  
營巢悞。舊時王謝總寒煙。重來難認銜泥處。

吳江

嚴繩孫

月魄分橋煙鬢縈渡。如今不是長洲路。愁教幽夢暗相  
尋。亂帆影裏人何處。細蕊偷黃輕綃引素。去來渾是  
難分付。西風篷底博山香。一絲絲似秋情緒。

寒閨

湯思孝

屋角風晶房櫳曛短。寒衣補綻催針線。天吳紫鳳拆憑  
伊。賸好鴛鴦休錯剪。黑月霾低碧紗愁掩。燈添紅暈  
綿裝繡。倩他排遣過黃昏。未夜沉沉天不管。

臨江仙

李後主體

本意

錢芳標

春煖蘭皋瀉瀉間。青娥斜鞦煙鬟。六銖衣薄步珊珊。波  
明苔碧。日暮弄珠還。交甫自憐仙分少。此生無計相  
攀。遠峰如画浸潺湲。音塵寥絕從此隔人間。



又  
水廟陰霏罨綠蘿。楚山隔岸嵯峨。日斜髣髴倚湘娥。秋風嫋嫋木落洞庭波。惆悵翠華遊不返。愁心蹙損雙蛾。至今斑竹淚痕多。黃陵月冷空自鼓雲和。

宮詞

蔣平階

禁苑花殘春殿閉。玉堦芳草淒淒。露華空灑侍臣衣。景陽鐘斷愁絕夢回時。客裏杜鵑歸不去。一春常自孤飛。數聲啼上萬年枝。似將幽恨說與路人知。

寄汪蛟門舍人

金鎮

碧玉闌干花影重。峭風移過簾旌。綠遮庭院少人行。個  
人何處纖指按秦箏。手把道書慵自起。暗來小閣斜  
憑。画圖心事忒分明。蒼苔紅藥。天上記曾聽。

吳門懷古

毛奇齡

高閣近花紅影合。繞牀還種青梧。西施嬌小似無夫。黃  
金梯滑不見有人扶。菱葉菱根遮浦暗。含情但採菖蒲。  
金閶門外夜啼烏。女墳前去寒燭照東湖。

聞琴

澧浦紅蘭催日暮。美人倚徙空亭。幽巖春竹雨冥冥。長  
思公子愁絕翠雲屏。碧水尙傳瑤瑟怨。棖棖夜鼓湘  
靈。蒼梧南去晚山青。楚江遷客憔悴不堪聽。



荆溪署中

楊綠

欲向荆南尋勝侶。且擽冷署閒居。短簷欹壁徑荒蕪。一簾秋雨溼却半牀書。翠竹碧梧聲瑟瑟。眼看景物蕭疎。尊中濁酒未須沽。客來同醉隨意剪園蔬。

爲曹子清題唐寅美人圖

蔣景祁

睡起雲鬟欹未整。慵騰嬾下庭除。摘來纖玉嗅香初。紅襟一抹衫色學鶯梳。夢去如醒醒似夢。丹青巧樣難圖。風流名氏隱吳趨。建安才調今見兩相如。子清亦名寅故云

繫裙腰

閨思

王宗蔚

枕函消瘦夢難支。人別後雁來遲。水亭南角判菱絲。空對此孤月影照平池。胡琴閒欵碧螺卮。彈不斷舊相思。画屏七曲寫秋辭。可又是銀箭小夜涼時。



瑶華集卷六

金門賀聖朝 一首

遐方怨 二首

臨江仙 顧太尉體 一首

釵頭鳳 二首

臨江仙 賀方回體 三十五首

蝶戀花 二十四首

七娘子 一首

一剪梅 九首

唐多令 八首

青杏兒 一首

破陣子 二首

漁家傲 十五首

蘇幕遮 十首

踏莎美人 一首

定風波 三首

似娘兒 二首

促拍采桑子 一首

喝火令 一首

不測書目  
婁絲空



鳳銜盃 三首

月上紗窗鳥夜啼 一首

醉春風 三首

獻衷心 一首

黃鍾樂 二首

轉應曲 一首

風中柳 一首

品令 一首

芭蕉雨 二首

淡黃柳 二首

酷相思 七首

金門賀聖朝

夏夕雨

沈謙

炎威逼火雲萬朵俄成墨。電掣金蛇江樹黑。天河直下  
夜深寒把煩囂都滌。半掩羅幃暫息。簾外碧梧如拭。  
隱隱殘雷無氣力。暗思玉簫彈煙鬢料今宵眠得。

遐方怨

閨情

葉燮

粧未了日高升。菱花睂暈小。蘭葉鬢雲橫。簾通煙篆曉。  
痕平寶釵斜膩墜無聲。春漸老帶圍輕。簷鵲頻偷報。  
應知鬪草羸。晝長無事理銀箏。困人疎雨在長亭。

自鄭州至臨穎書所見

蔣景祁

風颭雪霧凝塵。香車攢戰骨鉛淚浥。細裙琵琶絃冷別。  
鳥孫鷓鴣聲斷欲黃昏。帶巫雨怨湘雲。墮馬新粧怯。  
啼鵲舊恨頻。五原夢裏莫招魂。九疑山下不歸人。



臨江仙

顧太尉體

春睡

丁澎

麝噴薰篝金鴨冷。玉牀悶倒和衣。惜騰春夢小窗西。柳  
慵花醉喚不起。鷓鴣啼。亂挽蟬雲。看不掃。画梁殘日  
依依。恁他燕子故雙棲。湘鈞暗下。賺得箇撲簾飛。

釵頭鳳

戲贈陳伯騶小史

曹溶

紅窗曉。青簾繞。王孫自合憐花草。吳閶路。閩江渡。行雲  
易剪去。帆難泝。故故故。靈犀早。含香小。仙郎那讓麻  
姑爪。燈微露。帷深護。乞解湘裙恣看蓮步。誤誤誤。

藏鈞

朱彝尊

華筵半。銀燈燦。玉鈞纖手陳青案。傳言快。分曹待。暗將  
心事把秋波賣。在在在。番番換。低低喚。箇儂翻被人  
偷算。三杯外。含嬌態。不應輸與笑。拈衣帶。再再再。

臨江仙

賀方回體

過嘉定感懷侯研德

吳偉業

苦竹籬。編茅覆瓦。海田久廢重耕。相逢還說廿年兵。寒  
潮衝戰骨。野火起空城。門戶凋殘。賓客在。淒涼詩酒  
侯生。西風又起。不勝情。一篇思舊賦。故國與浮名。

和晁無咎

熊文舉



却憶章門三月暮。湘簾宿雨初收。落霞低處棹歸舟。江  
波風捲立。吹動古今愁。往事不堪頻矯首。画舸斜月  
微鈎。可能閒上小紅樓。花光迷晚霽。草色媚芳洲。

淮上漂母墓

蔣永修

漂母橋邊人去遠。淮壖空遶淮流。無花古樹小墳幽。王  
孫誰向是。雙淚落荒丘。亦復人間多女子。而今有此  
人不。南昌寄食未央收。兩家亭長婦。定欲殺韓侯。

聽雨

曹溶

老去怕尋巫峽路。江聲純是秋聲。茱萸未折已多情。坐  
深孤館客。心向燭花明。好事任教揉碎了。酒杯不負  
平生。野人搔首看銷兵。夜來何限恨。疎雨代銀箏。

贈少年

宋琬

韋曲城南天尺五。翩翩公子豪奢。小平津外綠楊斜。金  
鞍雄百騎。蠻鼓醉三挝。一擲梟盧輸百萬。吳鈎光閃  
龍蛇。春衣夜宿杜陵花。情人劉碧玉。俠客魯朱家。

雨中懷雪峰

周茂源

當日夜游涇上好。陸家子弟笙簫於今冷落。舊僧寮。鳥  
巢烏柏樹。蝸篆赤欄橋。料得休文腰倍減。香臺苦雨  
無聊。一甌茗粥當松醪。新蒲窗外綠。讀罷楚臣騷。

送萬青北行

陸振芬



畫舸春潭楊柳岸。風流佳致翩翩。從將別緒託離筵。一樽傾易盡。百幅寫難傳。廿載才名吾所羨。此行喜着

先鞭。天涯意氣切雲煙。元卿攜手處。好賦帝京篇。時借京少

發姑蘇留別

余國柱

春到閶門三月好。徵書催動鳴騶。恩波深處報無由。未酬湖海志。還與廟廊憂。愧我多情諸父老。軒車好爲遮留。漫將別意惱前游。酒醒思獨夜。花發憶長洲。

憶東堂花樹

王士祿

最惜東堂花樹好。幾枝掩雪驕霞。春宵勝引酒情賒。共傾銀鑿落。細玩玉天斜。群季惠連真不讓。新詩同競

妍華。十年踪跡似風花。赤欄樓角月。應解憶天涯。

宮月

萬錦雯

最是六宮明月好。蓬壺縹渺如浮。蝦鬚半捲未央樓。鐘聲穿玉樹。花影暗金溝。釵換盤龍衣。換繡羊車猶伺宸游。雲中仙露問誰收。夜深簫鼓歇。團扇有人愁。

旅月

最是郵亭明月冷。茫茫雲樹淒迷。天高孤雁背人飛。誰家翻苦調。按拍奏梁伊。正值新豐還買醉。醉時壁上留題。短檠剔盡馬停嘶。故鄉纔入夢。茅店又聞雞。

遣信

彭孫遹



青鎖餘煙猶在握。幾年香冷巾禱。此生爲客幾時休。殷勤江上鯉。清淚溼書郵。欲向鏡中扶柳髻。鬢絲知爲誰秋。春陰漠漠鎖層樓。斜陽如弱水。只管向西流。

雲陽道中

鄒祇謨

岸草黏天明。遠綠小桃嫋嫋紅浮。一篙春漲上芳洲。柳頭船護鴨。九髻笛呼牛。好鳥喚晴雲影破。隨風似葉孤舟。深閨此際想含愁。花明殘雨砌。人倚夕陽樓。

離愁

董俞

客裏鶯花三月半。春光不似愁濃。柳絲隨處綠匆匆。酒帘斜日外。漁市亂煙中。多病文園兼作客。天涯信斷難通。可憐長夜正思儂。寸心蕭寺雨。殘夢隔江鐘。

寒柳

秦松齡

向日風流今記否。寒鴉宿處分明。一灣殘照太無情。照他憔悴了。依舊下高城。行處尙疑攀折盡。西風客路魂驚。樓頭翠管已無聲。紫騮渾不顧。嘶過玉河水。

春歸

米漢雯

開到文無花。婪尾芳園蝶嬾鶯。嬌問春春去幾多。遙將紅浮漱口。渲綠上峰腰。鎮是晝長無意緒。柔腸似柳條條。暄妍又博可憐朝。堦筠抽雨籜。瓏麥粲煙苗。

顧四城北新居

王屋



獨訪柴門溪竹裏板橋流水斜通漁舟泊處暮雲空數  
家橫浦上一徑入煙中。叢木暗妨樵路遠鷺鷥飛破  
霞紅。輕雷忽過小池東。藕花嬌着雨菱蔓弱牽風。

味早春

秦篆

早色嬌春如靜女含羞初向人前更遲半月便嫣然魂  
消非怨別神醉未登筵。惟有遠山知覺早青青垂黛  
堪憐。東風易上美人肩吹愁成一片不待落花天。

登韜光庵感舊

陸進

記得當時曾坐此於今三十三年重來徒倚小樓前青  
山如舊日蔓草鎖寒煙。寂寞堪憐風景異老僧雖在  
頽然流光荏苒鬢毛斑斜陽松影裏感慨杖藜還。

紀游

姜實節

夢斷羅幃春睡淺小樓風竹頻敲溪流一曲抹山腰雨  
香初拂柳日氣漸烘桃。笑解金龜同買醉故人雅集  
今宵。闌詩量酒興還饒曉鐘齊女墓殘月大姑橋。

感舊

錢芳標

歷歷槿籬芳草徑重來恰是殘春春光無恙客愁新露  
桃花不見何況倚花人。翠袖香微蟬鬢晚當年幾徧  
逡巡。半篙溪水蹙魚鱗夕陽叉手處腸斷似車輪。

無題

成德



長記曲闌干外語。西風吹逗窗紗。片帆從此寄天涯。一  
燈新睡覺。思夢月初斜。便是欲歸歸未得。不如燕子  
還家。春雲春水帶輕霞。画船人似月。細雨落楊花。

盧龍大樹

雨打風吹都似此。將軍一去誰憐。画圖曾見綠陰圓。舊  
時遺鏃地。今日種瓜田。繫馬南枝猶在否。蕭蕭欲下  
長川。九秋黃葉五更煙。祇應搖落盡。不必問當年。

江上別京少

惠潤

爲憶長安三月暮。剛逢勝友如雲。一杯別酒記青門。御  
河流水滿天。遠夕陽村。此日芙蓉還共採。好來倚徧  
斜曛。浮螺數點隔江分。秋容如鏡裏。重與照離尊。

自題我園

徐翹鳳

百里清流流更遠。一灣緊束雙溪。道人不着眼前棋。結  
茅移白石。斗酒聽黃鸝。柳外池塘鷓鴣睡。竹橋斜渡  
花堤。無題詩句頗相宜。草堂明月上。稚子讀書歸。

又

竹塢雲汀藏矮屋。画橋曲徑斜溪。疎簾清晝罷彈棋。杏  
花香影裏。傳語有黃鸝。無限風光依釣艇。柳枝搖漾  
春堤。山間明月晚來宜。錦囊攜好句。認得輞川歸。

夏景

陳履端



梅子纔黃。新雨足。衫裁白苧涼生。一灣流水。縠紋平。荷香浮野渚。檻外暮山橫。隔院有人歌水調。蟬聲攪碎。歌聲。荳花茗葉十分清。水晶簾半捲。新月浸桃笙。

題其年刻集卽寄送京少北行 張彥之

舊日潁川曾締結。驅馳共逐風塵。千秋才魄怨沈淪。誰將流水操彈。與夜臺人。老矣蓬蒿棲久。慣依然。縞帶情親。元卿三徑氣如雲。京華能夢我。短什當思君。

味竹夫人

徐瑤

雲母家邊來。少婦竹郎可耐温存。露華深。夜月黃昏。心虛時怯。汗骨瘦欲消魂。只道秋孃工作妬。誰知薄倖根源。屏山還記舊盟言。郎情傳玉女。妾夢憶王孫。

離里山

蔣景祁

門外青溪溪上樹。籠從片壁崔巍。朝朝暮暮影霏微。抱村宜晚霽。觸石暈朝暉。欲訪當年封禪地。墨山西度依稀。仙人曾此製荷衣。徑荒丹竈冷。洞杳白雲歸。

桑橋落炤

雨後蒼山霜後樹。碧溪遙跨晴虹。夕陽低處起西風。寒葭深雁跡。衰柳隱漁篷。覓醉村醪忘歲月。幾番綠葉紅楓。滄桑滿眼亂流中。一橋橫渡北。斜月又升東。

端午

閨秀 葉小鸞



梅子纔黃。新雨足。衫裁白苧涼生。一灣流水。縠紋平。荷香浮野渚。檻外暮山橫。隔院有人歌水調。蟬聲攪碎。歌聲。荳花茗葉十分清。水晶簾半捲。新月浸桃笙。

題其年刻集卽寄送京少北行 張彥之

舊日潁川曾締結。驅馳共逐風塵。千秋才魄怨沈淪。誰將流水操彈。與夜臺人。老矣蓬蒿棲久。慣依然。縞帶情親。元卿三徑氣如雲。京華能夢我。短什當思君。

味竹夫人

徐瑤

雲母家邊來。少婦竹郎可耐温存。露華深。夜月黃昏。心虛時怯。汗骨瘦欲消魂。只道秋孃工作妬。誰知薄倖根源。屏山還記舊盟言。郎情傳玉女。妾夢憶王孫。

離里山

蔣景祁

門外青溪溪上樹。籠從片壁崔巍。朝朝暮暮影霏微。抱村宜晚霽。觸石暈朝暉。欲訪當年封禪地。墨山西度依稀。仙人曾此製荷衣。徑荒丹竈冷。洞杳白雲歸。

桑橋落炤

雨後蒼山霜後樹。碧溪遙跨晴虹。夕陽低處起西風。寒葭深雁跡。衰柳隱漁篷。覓醉村醪忘歲月。幾番綠葉紅楓。滄桑滿眼亂流中。一橋橫渡北。斜月又升東。

端午

閨秀

葉小鸞



又  
雨外黃昏花外曉。催得流年。有恨何時了。燕子又來春  
漸老。亂紅相對愁眉掃。午夢闌珊歸路杳。醒後思量  
踏遍閒庭草。幾度東風人意惱。深深院落芳心小。

偶見

裊裊花陰羅襪軟。無限芳心。初與春消遣。小試嬌鶯纔  
半轉。海棠枝上春風淺。一段行雲何處剪。掩過離闌  
送影湘裙展。隔着亂紅人去遠。回樓今夜珠簾捲。

春情

錢 棟

熏透羅衣春片片。樓畔東風。吹得垂楊倦。只許蜜蜂窺

小扇。桃花影裏防人見。

細聽流鶯何處囀。愛弄秦箏

懶過鞦韆院。牆外臙脂飛已徧。青梅幾箇搖金釧。

題二喬觀書圖次少游韻

王士祿

傾髻頽雲肩。嬋玉髹几光。凝雙映脩蛾。綠髮鬢風光。屏  
外足。攤書停却尋春躅。鑪裏雙煙青。斷續。玉砌紅簾  
不似牽羅屋。公瑾伯符皆不俗。知無一事縈心曲。

春閨

周季琬

影落中庭花報午。蝶亂蜂忙。梳出新愁譜。獨倚雕闌人  
不語。晴絲無力隨風舞。睡起枕紋猶未露。香玉紅生  
又把啼痕補。還笑鵲聲無定據。春歸畢竟歸何處。



和漱玉詞

王士禛

涼夜沉沉花漏凍。欹枕無眠。漸聽荒雞動。此際閒愁郎不共。月移窗罅春寒重。憶向錦綉無半縫。郎似桐花。妾似桐花鳳。往事迢迢徒入夢。銀箏斷絕連珠弄。

春曉用大樽韻

鄒祇謨

荏苒芳時成惜別。待捲蝦鬚。春夢愁輕切。綃帳微風吹半摺。綠楊枝上殘星滅。曉唱玲瓏聲未絕。郎去迢迢。纔過清明節。窗畔丁香愁百結。姊歸過處啼難歇。

茉莉

宮夢仁

良嶽當年行樂處。珠萼冰蕤。移自炎洲路。韻比江梅宜帶雨。芬飄山麝偏迎露。絕愛佳人臨日暮。笑摘芳菲。斜比鸞釵度。綉枕聞香香半吐。餘香猶挽絲籠護。

春夜

錢繼章

岸曲溪坳芳草徧。蝶粉蜂黃到處香成串。楊柳陰濃山氣變。南樓只隔斜陽面。狼籍酒痕衣上濺。記得歸來。殘句畱歌扇。醉臥攣瑜人不見。梨花月滿秋千院。

初夏卽事

四月江村人似蟻。蠶箔堆山。又見秧浮水。帶雨荒雞催早起。菰羹麥飯衡門裏。獨有老翁無個事。拄杖逍遙。數笋門前寺。薄暮三杯渾未醉。槐陰野店看狙戲。



又

五月渥丹初放砌。百合香濃。又睹珠蘭蕊。乞得洛陽誇種美。錦葵漸落將收子。石磴藤溪無暑氣。小鳥啣魚飛上闌干嘴。閒看碧波抽短芰。荷錢買得蜻蜓戲。

春日刺梅園卽事

胡會恩

杜曲垂垂花似綺。花底秦青小住。東風裏。銀甲彈絲調淥水。紅牙按盡相思字。芳草斜陽停小騎。貰酒徵歌放得春歸未。煙月朦朧人醉矣。一年鶯燕江南思。

秋思

錢芳標

露溼芙蓉風意緊。珍簾涼生光景。重陽近。冷落楸枰閒。玉軫。遠屏山色橫金粉。獨倚江樓私自付。錦字傳來舊約難憑準。葉葉輕帆過欲盡。寒煙幾點殘鴉隱。

酬友

姜宸英

浪逐韶光朝復暮。手把金卮暗識歌聲誤。衆裏不教名姓露。花間驀地搖鞭去。堪嘆浮生萍梗聚。迴首斜陽又隔西陵樹。那有臨邛芳草路。三春只是和愁度。

春景

袁袞

鞦韆墻外紅橋畔。香徑籠雲零落桃花片。一點芳心如絮亂。綉牀斜倚慵添線。拾翠重來尋女伴。笑摘櫻桃簾底彈新燕。頻約鴉鬟釵更顫。輕綃微露雙金釧。



金陵

鄧漢儀

庭樹宮花開徧了。唱徹鶯喉。一夜春難曉。綉被牙牀香篆小。羽書邊馬沉沉杳。擒虎突來驚夢覺。如此消魂。天上人間少。脂冷鬢低心事悄。官家自古多煩惱。

臯亭

毛先舒

臯亭山徑迷晴霧。有個仙人只在中住。試看松頭雙鶴舞。應知尙未朝元去。當日我來曾問渡。今日如何景物都非故。流水千灣。花萬樹。雲深失却題詩處。

春情

沈豐垣

纔得相逢春已暮。眼際斜邊。只是無情緒。惟底窺人鶯不語。綠楊枝上微微雨。着意尋春春又去。春在天涯。人却歸何處。一望青青迷遠樹。夕陽偏照長亭路。

前題

徐昌薇

盡日茫茫飛柳絮。池館淒涼。獨自閒凝佇。枝上杜鵑啼不住。夕陽影裏微微雨。簾外春山山外樹。一望青青。迷却天涯路。多少閒愁無可訴。却看雙燕啣花舞。

春雨

陳堂謀

六曲闌干空遍倚。驀地愁牽。在屋檐聲裏。零亂垂楊金粉碎。絲絲都染傷春淚。鎮日廉纖還未已。蝶翅難舒。溼重鸚哥嘴。煙冷香篝人不寐。錦鞵隔斷桃花水。



十月望日與經崑叔別

成德

盡日驚風吹木葉。極目嗟峨。一丈天山雪。去去丁寧愁不絕。那堪客裏還傷別。若道客愁容易輟。除是朱顏不共春銷歇。一紙鄉書和淚摺。摺紅閨此夜團團月。

閨情

閨秀  
沈宜脩

竹影蕭森。淒曲院。那管愁人吹破西江面。一日柔腸千刻斷。殘燈淚結空成片。細語傷情過夜半。陣陣南飛。都是無書雁。薄倖難憑歸計遠。梨花雨對羅巾伴。

前題

吳琪

淡月溶溶。花映綠。琴底離愁葉落相思曲。頻整羅裳檀

鈕束。碧紗明滅。紅膏燭。玉漏聲聲催夜促。斗帳蓮鈎

半挂。鸞綃幅倚枕。夢成風曉觸。翠屏斜映窗前竹。

七娘子

夾城月夜

吳儀一

南朝鳳去梧桐苑。對夾城空灑。看花淚碧瓦千家。朱欄三市。御樓廢址無人記。晚雲散盡天如水。似翠華卷入銀濤裏。萬古傷心一聲筚吹。無情明月江東起。

一剪梅

思家作

宋琬

飄泊東南劇可憐。朝采菱船。暮打魚船。愁中看遍好山



川鶯脰湖邊。菴画溪邊。問余何日賦歸田。說道今年  
又早明年。故園消息久茫然。春燕來前。秋雁來前。

薰香

瓊窗半鎖綠陰濃。犀押簾籠。玳押簾櫳。薰香小鴨火微  
紅。蘭餅初融。麝餅初融。沉沉不斷画屏東。煙裊樓中。  
花裊樓中。睡餘無力髻鬟鬆。一陣梅風。一陣蕉風。

懊惱詞

季式祖

初長天氣困人時。花一枝枝。柳一枝枝。朝來慵起夜眠  
遲。日上窗兒。月上窗兒。沈郎漸減瘦腰肢。愁也絲絲。  
淚也絲絲。不堪訴說是相思。有箇人知。沒個人知。

京口

李珍

對峙雙峰雪浪寒。西是金山。東是焦山。風帆搖曳片時  
閒。來到淮南。去到江南。海氣微茫雨氣纏。雲也連天。  
水也連天。瓜洲樹色潤洲煙。濃寫千般。淡寫千般。

吳門客舍初度

陳維崧

風打孤鴻浪打鷗。四十揚州。五十蘇州。半生習氣破除  
休。少日倡樓。老去僧樓。故壘蕭蕭蘆荻秋。說甚曹劉。  
只羨孫劉。專諸巷內且淹留。烽火邊愁。風雪羈愁。

梳頭

陳維岳

熒熒新月一奩生。嬌倚銀屏。遲下銀屏。佳人粧閣好心



情龍髻難成。鴉髻難成。水晶簾底悄然聽。玉膩釵聲。花滑釵聲。倩郎綵筆蘸煙輕。濃掃青青。淡掃青青。

野棹

費坤

殘菊疎籬。只自花。最是名花。當作閑花。擎樽呼酒。底須賒。昨日錢賒。今日情賒。隨波小艇。問伊家。不是農家。定是漁家。總無情。思笑看他。恁說留他。索也由他。

清况

閨秀 賀 潔

髻子鬢鬆。掩鏡奩。花也慵拈。香也慵添。倚闌終日。病懨懨。風自開簾。月自穿檐。一庭芳草。綠鋪氈。紅杏初甜。斑筍初尖。倦扶雛婢。望銀蟾。身影兼兼。柳影纖纖。

和家季妹韻

賀 祿

秋來寂寂。掩重門。蟲鬧墻陰。葉戰空庭。看朱成碧。倍傷神。愁緒紛紛。情思昏昏。夢中可許。暫相親。一晌無憑。一晌分明。淒涼枕簟。夜難禁。聽徹雞聲。聽罷鐘聲。

唐多令

初夏

朱彝尊

疎雨過輕塵。圓沙結翠茵。惹紅襟。乳燕來頻。乍暖乍寒。花事了。留不住。塞垣春。歸夢苦難真。別離情更親。恨天涯。芳信無因。欲話去年今日事。能幾個。去年人。

雨思

單 恂



簾院午陰長。櫻桃糝徑香。便清明晴了何妨。燕帶溼紅  
來上壘。花瘦也。猛思量。除是好韶光。柳條能繫將。軟  
春絲。鬆得春忙。揀却短帆。拖着雨芳草外。醉鵝黃。

孤館

宋 琬

牕外雨澌澌。涼颼戛竹枝。賴征鴻喚起魂癡。安得波斯  
千里鏡。重照見曉粧時。孤館被秋欺。啼螿攪夢思。寫  
離愁。空費烏絲。縱有金針五色線。穿不起淚珠兒。

春景

吳亮中

芳草綠芊芊。微雲散遠天。掠青莎孤鶴翩翩。野岸茨菇  
開又展。蘋葉小。正如錢。攜酒到花前。花殘聽杜鵑。醉

忘醒醒又忘年。雙板橋南脩竹裏。曾記得。挽魚船。

戲答方敦四

曹 溶

吳舫出嬌娥。輕衫蹙綉羅。踏花田冷透雙靴。任是錦帆  
催去。惡畱客意。有迴波。時擬聽清歌。維摩奈病何。不  
如人千種蹉跎。飲到旗亭。剛吐氣。腸斷句。柳郎多。

臨春閣

吳 綺

朱棟接丹霞。晴虹複道斜。歎風流一瞬繁華。閣上畫簷  
猶未了。已冷落。後庭花。芳草偏天涯。空林點暮鴉。痛  
詞人江令還家。只有多情商女。在還譜入舊琵琶。

塞外重陽

成 德



古木向人秋。驚蓬掠鬢稠。是重陽何處堪愁。記得當年惆悵事。正風雨。下南樓。斷夢幾能留。香魂一笑休。奈銀蟾空滿寒裯。霜緊烏啼。渾不睡。偏想出舊風流。

感懷

閨秀

徐燦

玉笛送清秋。紅蕉露未收。晚香殘。莫倚高樓。寒月羈人。同是客。偏伴我。住幽州。小苑入邊愁。金戈滿舊游。問五湖。那有扁舟。夢裏江聲和淚咽。曾不向。故園流。

青杏兒

閨情

丁煒

鶻篆冷秦篝。羅衫薄。強耐清秋。年時猶記花窗下。倩郎掠鬢。笑將鈿鳳。貼向眉頭。繡帖剪聲收。新粧懶。獨上高樓。一簾殘月。人千里。重重煙樹。難遮望眼。不斷離愁。

破陣子

開山道中

宋琬

拔地千盤。深黑插天一綫青冥。行旅遠從魚貫入。樵牧深穿虎穴行。高高秋月明。半紫半紅。山樹如歌如笑。泉聲六月陰崖。殘雪在。千騎宵征。回角清。丹青似李成。

次虎丘作

李珍

十載虎丘三度春。春花秋月冬風。一帶吳王池畔石。一帶貞娘墓上松。都是舊遊踪。今日重登孤塔。寒雲衰草。



征鴻一片江天南共北。一片山巒西復東。霜橘洞庭紅。  
漁家傲

本意

吳易

鸚鵡洲頭天映水。鳳凰池上山橫翠。短艇輕綸隨處艤。  
秋似水。玉醅金盞銀絲鱠。澤畔三閭醒與醉。蘆漪伍  
子歌兼淚。苦恨英豪成底事。煙月裏。笛聲吹徹鰲魚睡。

前題

李天馥

銀魚風細桃花渡。輕帆影落澄江暮。漠漠晴沙飛白鷺。  
人家聚。青帘隱見雲深處。一點孤燈依淺步。綠簑珠  
晃金鱗露。月上危檣歌自度。隨煙霧。脩綸欲挽珊瑚樹。

雨後

梁清標

小雨纔收風謾謾。脩篁交響闌干曲。澄湛一泓瀉瀉浴。  
酣睡足。鳥啼疑傍山家宿。瀟灑閒堦桐覆屋。花開花  
落無拘束。門外任他車馬簇。人新沐。鬢雲低映窗紗綠。  
出水西門暮抵下關

王士祿

醉向石城呼小艇。總持宅畔花將暝。綠柳朱闌相掩映。  
波光冷。捲簾處處珊瑚鏡。三日秦淮扶酒病。魂消不  
到胭脂井。歸櫂凌風飛鳥競。人初醒。清涼山外紅霞影。

春夜

鄒祗謨

多少游絲飄綉閣。画旗閑却秋千索。翡翠簾垂深院落。



春夢惡。金爐篆裊無人覺。可奈風光今又昨。傷心獨  
對葡萄幄。嫩柳三眠絲正弱。風如削。惜花幾度撥紅藥。

汪園

吳綺

門對琉璃千萬頃。鶯花十畝連幽徑。小閣正當花絕頂。  
青不定。春山碎疊斜陽影。得酒偶忘前日病。凭闌又  
被風吹醒。桃葉誰人來画艇。深翠冷。鴛鴦驚破湖煙暝。

元慶山房偶題

毛先舒

雀啄松花黃滿地。瑤壇風靜爐煙細。曉色朦朧春醒未。  
看鶴背朝元歸到人微醉。空外飄飄紛羽旆。忽然驚  
聽搖環珮。童子朱顏桃李媚。吹玉器。隔霞又唱千秋歲。

立春曉起偶作

沈謙

新歲昏昏愁只睡。日光照入簾櫳內。六幅素屏閒似水。  
因底事。曉來題徧銀鈎字。砌草庭梅徒自媚。白頭慣  
灑多情淚。醉裏不知春已至。重審視。綵蛾金燕分明是。

留別

朱瀾

極目平山秋色遠。荒碑勒馬紅亭斷。人語夕陽波影亂。  
情未判。解鞍故把征衫換。我有離愁真汗漫。相思一  
水蒹葭岸。垂釣鯉魚長尺半。空浩歎。孤城画角明星爛。

寄友晉陽

朱彝尊

拂戶垂楊絲萬縷。離情不耐西窗雨。誰共故人燒燭語。



還問取。紅蓮綠渚花深處。白髮愁添歸未許。秋風汾水年年樹。道盡人間腸斷句。君莫去。旗亭冷落銀箏柱。

舟中偶味

李涉

日射薄雲風力緊。峰巔飛過玲瓏影。寒到半空天欲曛。如相等。和煙做就糊塗景。征雁一聲霜氣冷。蜀衾漸透人難寢。又是月輪光萬頃。還當領。起沽村酒船頭飲。

暮春

單昭儒

三月天桃紅似錦。花風吹到鳴箏信。又見廉纖飄陣陣。清和近。春衣初試水肌潤。麥秀時光寒尙嫩。雕梁紫燕香泥沁。隔院鞦韆看不禁。人何韻。柳腰一捻雙腮暈。

讀漢史

曹貞吉

縹緲雲中赤彘子。求仙遠隔蓬萊水。巨棗安期曾餉未。真奇事。馬肝解令文成死。天下神仙皆妄耳。茂陵石馬秋風裏。金椀玉魚紛出市。渾無味。如鉛早下銅人淚。

題畫

高層雲

樹杪溶溶雲縷細。半奩柔淥縈沙尾。簷影欹風殘葉底。潮平矣。數莖秋荻疎煙倚。擬向吳根尋剩水。燕梢船小輕于紙。且着征帆圖畫裏。歸得未。旅愁暗數今番最。

延陵小齋

閨秀 徐媛

板扉小隱清溪曲。夜月羅浮花覆屋。木籠戛戛搖生穀。



莊田熟。桔槔懸向茆檐宿。青山一片芙蓉簇。林臯逸  
韻飄橫竹。遠浦輕帆低幾幅。濃睡足。笑看小婦雙鬟綠。  
蘇幕遮

杜鵑

丁澎

杜鵑花。杜鵑鳥。鳥在花間。血淚和花叫。只說不如歸去  
好。賺得春歸。花鳥都知道。枕邊頻枝上悄。一樣名兒  
何事。雙雙鬧。恨不將花團做鳥。鳥歇花殘。春去多時了。

塞上

尤侗

朔雲寒。邊月苦。鶯粟西風吹亂。黃沙舞。夜半雪深三尺  
許。毡帳駝峰。倒載琵琶女。打圍來。圈地去。銀管呼煙

茶煑烏羊乳。蠻府參軍窮塞主。疋馬隨他看射南山虎。  
舟中寒食

汪懋麟

落花風寒食。雨幾陣。纖廉催送春何遽。閒倚蓬窗臨古  
渡。野店青帘。飄在垂楊樹。日歸遲。時節誤。暝色高樓  
望斷。河橋路。燕子來時愁欲暮。波上雙雙飛過船頭去。

春暮

潘雲赤

五更初三月暮。窗內人愁。窗外風吹雨。惆悵落花誰做  
主。杜宇無聲。已到消魂處。夢難憑。情怎訴。脉脉幽懽  
祇恁輕辜負。金鴨香消。人獨語。煙樹江村屏上相思路。

立春

沈謙



樹鶯藏蘭雪擁。浪說春回又被東君哄。面藥口脂呵復凍。一樣愁顰便覺朝來重。負深盟。思好夢。懶簇酥山花影。簾鈎控。此夜歌樓誰與共。火照堆鴉。勝裏金人動。

春閨

張台柱

翠幃深香夢淺。一夜東風春色都吹變。紅日滿窗蒸睡暖。簾外鶯兒喚起梁間燕。信難傳。人又遠。蛛網簷楹日日絲千轉。飄蕩不知歸早晚。生就楊花心性無拘管。

鞦韆

顧戩宜

綠楊樓紅杏榭。燕掠花梢倒掛斜陽罅。錯認垂鬟粧墮馬。何處春園兩兩鞦韆打。綵花繩花作架。羅鞦輕鈎

桺浪迎風也。画鼓綉旗人暗下。一捻香酥暈得春無價。

記豔

楊大鶴

惜花紅嗔桺綠。掩映湘簾訝許人如玉。翠幙淺粧剛乍沐。袖拂菱花斜顧湘裙幅。鬢雙垂腰一束。渾不勝衣漫說鮫綃薄。二八年華應未足。鸚鵡能傳暗數銀屏曲。

調箏

嚴曾相

豔陽天佳麗地。忽聽清音聲出明簾裏。嬌小盈盈才十四。悄學春鶯一點櫻桃碎。度霓裳。調翡翠。隱顛蝦鬚惹得心如醉。舉止翩翩渾解意。試問芳心也曉相思未。

離情

萬樹



彩分鸞絲絕藕。且盡今宵。且盡今宵酒。門外驪駒聲早  
驟。惱殺長亭。惱殺長亭柳。倚秦箏。扶楚袖。有個人兒  
有個人兒瘦。相約相思。須應口。春暮歸來。春暮歸來否。

踏莎美人

送顧梁汾之江右

吳興祚

月暗山城香疎桂樹。征帆遙指霞飛處。黃雞白酒擬相  
招。試問君能回首。一停橈。蓼渚看花蘆洲聽雨。高吟  
莫作悲秋語。西風落葉捲紅潮。此後相思。俱在灞陵橋。

定風波

春閨

沈長益

水影山光處處樓。柳陰陰下弄輕舟。驚起鴛鴦還作隊  
相對。美人無賴。倦梳頭。枝上殘紅和蝶瘦。知否。無情  
偏自解風流。試問睂尖多少恨。難盡似他飛絮。結成毬。

贈牧仲歌兒阿陸

陳維崧

胡蝶成團榆筴飛。輕狂恰稱五銖衣。若問年華剛幾許。  
數數。晚峰十二正愁時。莫道梁園非故土。且住。得人  
憐處不須歸。閒控郎君堂後馬。偷跨。陸郎從古愛班騅。

又贈阿增

持底尊前贈阿增。濃纖一幅繚紅綾。上寫蠅頭無數字。  
須記。千絲萬縷意層層。好向歌樓并舞院。常見。細腰



東罷怕難勝。莫到春街閒賭戲。輕棄他年。知否憶來曾。  
似娘兒

舟過婁門卽事

陳維崧

渡口綠簑斜。繞子城碧浪周遮。誰知我是玄真子。賣餚  
天氣。憑撓心事。蕩槳生涯。水面小窗紗。響棖棖誰摘  
琵琶。東風似夢回頭望。絕無人影。粉牆之內。一樹桃花。

春愁

陳維崧

一夜妬花風。藥欄邊亂落殘紅。蜂黃蝶粉同時褪。銷魂  
天氣。重門人悄。無限惺忪。絲雨又濛濛。怕輕寒透入  
簾櫳。屏上瀟湘愁路遠。王孫不見。吳頭楚尾。芳草黏空。

促拍采桑子

夢次山晨起得其濟上寄扎

蔣景祁

別酒憶年時。漫淹留。又及春期。草堂幾度過人日。故鄉  
煙水。京華塵土。把甚題詩。昨夜夢遲遲。曉驚看。牋寄  
身絲。經旬風雪東阿路。十行短扎。分明寫出。憔悴陳思。  
喝火令

偶憶

陳維崧

架上紅鸚鵡。簾邊玉辟邪。兜娘懶上卓金車。鬢髮一窩  
濃綠未成鴉。嬌我春吹笛。邀人夜聞茶。如今庭院隔  
天涯。記得沿街。一樹粉梨花。記得花陰微露。幾扇綠窗。



紗。

鳳銜盃

舊恨

丁澎

屏前私結今生願。憶不了當初懽怨。正生小。俱癡尋花逐蝶。爭閒玩。只避得人前眼。到如今。全不管。恁心情。風兒吹斷。將技淚雙綃。斷腸一紙。交伊看。怎推得無人見。

偶感

陳維崧

弱柳絲絲。街前漾。正初學小蠻腰樣。有隔水紅牆翠樓。倒映牆頭上。聽樓內三絃響。恰重經人已往。帽簷斜倚。風凝想。只似夢如煙。柳花撲地。漫天放。尋不出伊門巷。

味蛺蝶花

蔣景祁

雙翅垂垂。低飛樣。有千種輕盈難狀。任嬌小吳姬。薄羅扇子。微微颺。看撲倒原無恙。菜花風。楊花浪。榆花茵。桃花門巷。問何處飛來。莊生曉夢。魂飄蕩。渾落在青苔上。

月上紗窗。烏夜啼

冬至

丁澎

猊毬香細。熨紅潮。初雪上梅梢。斜拋雙剪。裁金勝。拭花



翹看取釵頭占出內家嬌。唇朱淺約紅粧冷爲誰怯  
瘦盡宮腰繡工一線新添却恁無聊從此春愁千縷倍  
難消。

醉春風

旅悶

尤侗

秋暑蠅成陣。西日長如閨無聊瑣事不宐人悶悶悶薄  
酒初醒孤燈半滅殘書獨枕。愁縷縈方寸。華髮添雙  
鬢無端讀史又悲歌恨恨恨劍廢荆軻騅亾項羽弓藏  
韓信。

縈人

毛先舒

粉額青蛾嫵。玉臂紅絲組。問伊年紀月兒圓五五五。慣  
是嬌痴不曾學得吹彈歌舞。記起還疼汝。手斷生黃  
縷。新春嫩柳試穿鶯。苦苦苦。只這些兒嬌啼宛轉縈人  
心腑。

旅中櫛髮閨人傾奩而出

吳梅鼎

愧我霜華鬢。不入菱花鏡。香閨傳出馨香奩儘儘儘。白  
象牙梳湘妃竹篋露花油印。但有悲秋分。豈識粧臺  
近。粉龕猶壓指螺紋韻韻韻。青黛誰描胭脂誰點翠鈿  
誰襯。

獻衷心



天馬道中與筠實對飲

錢芳標

夾兩崖西去吹面蘋風。天卯色碧漪同。漸翠微向曉鬟  
裊煙重。惆悵意從古在夕陽中。樵逕轉石幢通。塔鈴  
無語短垣紅。隔亂杉何處燈火窗櫳。茆舍近君莫放酒  
卮空。

黃鍾樂

消夏曲

鄒祇謨

碧檻芙蓉隔水遙。綠樹陰陰迎涼初到。赤欄橋魚子蘭  
濃侵繡帶。鵝兒酒薄。暈紅潮。珠汗輕沾粉未消。寶袜  
重收。六銖衫子怯冰綃。塔下流螢飛一點。画舂樓上獨

吹簫。

又

玉剪雙雙細語聞。花畔呢喃微涼壓夢。思氤氳琥珀枕  
寒紋尙澁。琉璃簾滑碧無塵。寶鴨煙飄銀葉温。情緒  
冥冥巫山洛浦。香難分。丹的乍施。因入月。芫花煮水自  
湔裙。

轉應曲

煮蟹獨酌然而無米作此寄興 杜濬

郭索郭索難起燈光閃爍。金中猶自橫行。何日方休甲  
兵。兵甲兵甲。死矣此盆成括。荷葉荷葉。獨酌香醪似



雪持螯須得微酣。走與鄰翁笑談。談笑談笑。今日租船不到。

風中柳

黃鶯

朱彝尊

細柳拖煙織就亂絲多少。恠擲處金梭偏小。一枝飛繞數聲啼了。澁新簧薄寒猶峭。嬌音斷續短夢綠窗驚曉。弄春陰翠翻紅笑。曲池人悄。落花風裊。又啣來一番殘照。

品令

夏夜

陳維崧

夜色涼千頃。攜笛簟依金井。轆轤清冷。一天松籟半規晶餅。慢瀉流光漸暎。素蕤綠茗。微茫杳冥。水廊外風何整。闌干碎拍舊遊何處。瑤京路末。歛滿空庭。簾影樹影髣髴。

芭蕉雨

春雨

陳維崧

輕煖輕寒時節。東風將柳絮。搓香雪。暗惹翠蛾千結。絕似細雨紅橋。情人乍別。綠窗花影半。招待折未曾折。儘草上輕狂。雙黃蝶。亂撲着雨和煙。攪得今歲韶光不成三月。



驟雨

曹亮武

盡日悶如狂醉。雨師偏灑落。窺人意。一霎雷轟風厲。爲  
挽萬斛銀河。炎蒸都洗。遙望海天墨晦。屋瓦砰礮起。  
似萬馬驍騰。戰場勢。今夜賒取新涼。料得湘簾雲幘儘  
吾鼾睡。

雨中嘲友

曹封祖

雨過花陰滑滑。粉絲交午。潤餘寒恰。移近笋輿催發。爭  
奈綉幘低雲。芹泥印屨。惜春纔過。又撇空倚。画屏摺。  
零落盡杏花。和誰說。試說與侍兒。知曾也。漱玉親披蘅  
蕪夢接。

淡黃柳

約史蘧庵遊鶴洲

曹溶

遙天綠乳。家在鴛鴦浦。與客披裘船上語。不遠城南。画  
閣重訪年時賣花處。冷如許。燒燈又催鼓。怕簾側夜  
來雨。喚金荷。滿滿招春去。野柳情深。替人歡暢。早向橫  
塘起舞。

題画

高層雲

層湖遠碧。倒浸蒼巖溼。小閣圍山殘照入。一片疎紅冷  
翠。總是江南好秋色。弄殘墨。閒窗正岑寂。幾回首。認  
煙驛。想荒池。月淡沙鷗拍。菰影蘋香。舊村何處。今夜夢



輕難覓。

酷相思

旅情

曹溶

象拍何須歌麗句。又燒燭紅窗暮。歎今古韶華留不住。花落也催歸去。葉落也催歸去。失意多因杯酒誤。辜負春無數。只樓外江山成客路。鴻斷也書來處。雲斷也愁來處。

風阻湖口

朱彝尊

社鼓神鴉天外樹。見渺渺江流去。向晚來石尤君莫渡。大姑也留人住。小姑也留人住。杜宇催歸朝復暮。轉把歸期誤。儘燈火孤篷愁幾許。風惡也聲聲雨。風定也聲聲雨。

春閨

毛蕃

一院東風纔報曉。綠窗外春光早。怎游子經年音信少。相對也梅花好。相對也梨花好。細雨孤燈殘夢杳。無數離情繞。看雛燕嬌鶯愁不了。又只見榆錢小。又只見荷錢小。

冬日行彰德衛輝諸處馬上作

陳維崧

趙北燕南多驛路。見一帶霜紅樹。又天外亂山青可數。叢臺也知何處。雀臺也知何處。一鞭裊裊臨官渡。雁



叫酸如雨。儘古在今來。誇割據。漳水也。東流去。淇水也。東流去。

無題

陳維岳

慘慘悽悽無意緒。聽瑟瑟秋風語。向敗驛殘橋魂斷路。酒醒也。人兒去。酒醉也。人兒去。十年花月清狂侶。似夢那憑據。又幾陣黃昏蕉葉雨。鈿車也無尋處。羅帕也無尋處。

味竝頭蓮

曹鑑平

分豔連香爭窈窕。正綠水紅妝曉。惜歡情兩兩盈盈巧。日出也。雙飛早。月出也。雙棲早。譜訂鴛盟年尚小。結


子還同老。怕分離步步心心繞。花放也相逢好。花謝也相思好。

秋夜和叔韻

陳枋

不定陰晴天易暮。最此際懷人苦。結半庭晚煙吹冷霧。一陣也蘇蘇雨。半住也疎疎雨。腹疾秋霖悲逆旅。欲理愁無緒。早莎徑涼蛩逢舊侶。相喚也匆匆語。相應也重重語。





瑤林集卷之二



